

遼文匯

二



陳

述

著


遼

文

匯

(二)

中國科學院
中國圖書發行公司
出版發行



遼文匯卷二

陳述校輯

遣邊唐英賜高麗王詔乾統三年

天祚帝

朕承八聖之鴻休。纂千齡之景祚。永懷統御。莫敢康寧。方星歲之載移。致天區之咸乂。顧茲羣辟。繼陳烈於奉章。請以徽名。願推崇於眇德。靡遑牢讓。勉循勤誠。已定今年冬行冊禮。卿慶奠侯蕃。忠扶王室。聞修盛禮。諒協多歡。高麗史卷十二。

天祚帝

遣耶律嘉謨等冊高麗王詔乾統四年

朕以推尊薦號。肆類告成。觀羣后以講儀。越庶邦而同慶。卿白茅其社。玄菟開疆。礪山銘受國之功。航海納來庭之款。適均霈澤。爰議增封。當體至恩。永符深眷。今差安遠軍節度使耶律嘉謨等備禮往彼冊命。其簡冊車輅並賜衣對匹段鞍馬弓箭諸物。具如別錄。高麗史卷十二。

天祚帝

遣耶律嘉謨賜高麗國王冊乾統四年

軒立諸侯。肇分于萬國。漢封異姓。始建於八王。朕祇遙先猷。紹隆正統。近從衆欲。勉受

洪名在正朔之所同。覃惠澤而已及。眷言日域。虔奉天朝。封疆廣於七雄。功烈高於五霸。式當均慶。特議疏封。申擇令辰。誕敷休命。咨爾特進檢校太尉兼中書令上柱國高麗國王食邑七千戶食實封七百戶王顥。夙鍾閒氣。生稟元精。負文武之長材。知君臣之大體。十枝若木。森森聳奉日之標。九曲洪河。浩浩得朝宗之勢。粵從道廟。慶襲王藩。益恭表海之勤。無喪礪山之誓。一方俾乂。七載于茲。屬成茅蕝之儀。當被蓼蕭之澤。是用遣使安遠軍節度使耶律嘉謨。副使利州管內觀察使夏資睦等。持節備禮。冊命爾爲忠勤奉國功臣。開府儀同三司。守大尉兼中書令上柱國高麗國王食邑七千戶食實封七百戶。於戲。恩隆九錫。在予旣廣於榮封。業茂一匡。宜汝愈勤於夾輔。勉服不訓。永孚於休。

高麗史卷十二。

遣耶律師傅賜高麗王詔

乾統四年

天祚帝

朕紹開正統。奄宅多方。俯順羣情。勉膺顯號。內則百官小大。咸被於優恩。外則九服公侯。悉加於渥名。卿嗣延祖構。尊獎皇朝。嘉茲弈世之忠勤。寵爾承家之令嫡。特遣軺馭。

往將冊儀。茲諭至懷。式昭殊眷。今差耶律師傅等備禮往彼。冊命卿長子三韓國公。

麗史卷十二。

遣耶律師傅等冊高麗王太子詔

乾統四年

天祚帝

朕誕承駿命。祇紹鴻圖。膺寶冊以展儀。際藩方而均慶。卿克家毓德。體國疏封。翊成尊獎之勞。深悉忠勤之力。適覃恩渥。申煥彝章。當副至懷。用昭殊眷。今差泰州管內觀察使耶律師傅等備禮往彼。冊命其簡冊車輅。並別賜衣對匹段鞍馬弓箭諸物。具如別

錄。高麗史卷十二。

遣耶律師傅等賜高麗國王太子冊

乾統四年

天祚帝

朕荷天地之靈。休席祖宗之不構。勉膺羣請。方舉于尊稱。思與庶邦。普均於鉅慶。眷言東表。夾輔皇朝。累葉宣勞。榮分於王爵。一方述職。恪服於帝猷。載惟嫡胄之良。早宅上公之貴。若稽前訓。申煥彝儀。咨爾順義軍節度朔武等州觀察處置等使崇祿大夫檢校太傅同中書門下平章事使持節朔州諸軍事行朔州刺史上柱國三韓國公食邑

三千戶食實封五百戶王俣器度淵宏風猷冲粹幼昭雅德資孝敬以奉君親夙蘊令圖秉文武而翊軍國絲克嗣于家範俾慶襲于國封領茅壇節制之權同槐府平章之寄會束蒞以崇禮宜及蕭而霈恩是用遣使秦州管內觀察使耶律師傅副使鴻臚卿張織等持節備禮册命爾爲順義軍節度朔武等州觀察處置等使特進檢校大尉兼侍中使持節朔州諸軍事行朔州刺史上柱國三韓國公食邑三千戶食實封五百戶於戲鏤竹泥金示優加於眷矚若帶如礪當共保於安榮爾其忠順以律躬茲和而撫衆副朕嘉命厥惟懋哉

高麗史卷十二。

遣蕭良等册高麗王詔

乾統八年

天祚帝

卿越自先臣恪修常職爰及後嗣祇受舊封迨經三載之期克懋一匡之績特頒詔册益煥寵靈式靖爾邦永服予命今差清安軍節度使蕭良益州管內觀察使李仁洽充封册使副所有冠冕車輅衣帶匹段鞍馬諸物等具如別錄

高麗史卷十二。

遣蕭良賜高麗國王册

乾統八年

天祚帝

朕以王者底綏四海。利建於侯封。諸侯各守一邦。會歸於王統。故上必優於爵命。下克貢其忠誠。歷古已來。舊章斯在。乃眷東土。于蕃上國。絜樹嫡之有初。實纂服之猶賴。然白茅苴土。早裂於封圻。而青蓋駕車。未膺於典冊。爰協龜筮。載考禮文。涓辰孔臧。賦命惟允。咨爾高麗國王。僕乃祖乃父。有邦有家。愛政洽於隅夷。忠烈銘於彝鼎。迪厥攸訓。裕于乃躬。信義仁和。夙成於霸器。詩書禮樂。敦尚於人文。靜以致誠。動斯中道。始疏公爵。分土於三韓。及嗣王封。正名於一字。而能率政以德政。且又養民以惠民。厥績著聞。朕甚嘉止。盍以馳軺而備物。俾其賜策以申恩。秩乃三階。望隆於樞軸。位之兩省。寄重於腹心。是用遣使持節備禮。冊命爾爲守太尉兼中書令加食邑。於虜善其始。克有厥終。篤諸中乃施於外。日嚴六德以亮采。永肩一心以事君。咸若厥猷。允孚於吉。承之廟社而無斃。傳之子孫而不窮。欽哉。惟休。以服茲命。高麗史卷十二

遣李逢辰如高麗賀生辰詔

乾統十年

天祚帝

卿蕃衛皇家。鎮撫海表。專征守職。邊寇有勞。因乘勝以納降。遂開疆而置壘。載惟施設。

允協便宜。嚮遣使人遠馳捷奏。永言歸美。良用慰懷。高麗史卷十三。

高麗使李國瓊還齋詔

乾統十年

天祚帝

卿嚮討邊夷。權置城堡。因其防寇。且務於修營。既乃請和。遂從於毀撤。既協宜便。復具

奏陳。載念忠虔。良增嘆尚。高麗史卷十三。

遣楊舉直賜高麗王起復詔

天慶三年

天祚帝

嗣豐祖構。恭守王封。頃哀被於茹荼。卽毀過於扶杖。爰降釋衰之命。勿辱專閫之權。當

體眷懷。所宜祇荷。高麗史卷十三。

遣楊舉直賜高麗國王起復告身

天慶三年

天祚帝

蓋綬疏封。繼先業者。是謂殊私。墨衰從政。奪哀情者。斯為變禮。舉茲故典。懋乃邦英。其

有毓象緯之靈。閒玄黃之氣。踰鴨綠而休聲振厲。保鷄林而令德流聞。道善庇民。謀能

經國。方恪修於世範。何遽宅於家難。庸卜吉辰。與伸起復。前推誠奉國。功臣開府。儀同

三司。檢校太師。守太尉。兼中書令。上柱國。高麗國王。食邑二千戶。食實封一千五百戶。

王僕榮分弓鉞慶席山河桓鎮琅琅素全於重器榘枿肅肅生備於長材仍教稟於義方復言該於名理而自嗣興厥域優纂乃勞賓王著事大之誠侯律謹守方之制洽辰韓之善理慕齊善之純忠歲重貢儀率勤北面之力時堅戎翰實寬東顧之憂頃也靜樹纏悲白華違養尙固匹夫之節擬成孝子之規主土分茅闕一日而不可毀容樹恤豈三載以爲期是用從金革之宜飾鈿珠之命駢車載駕駝紐重輝於戲日域全疆天命重地位冠於五侯九伯秩參於四輔三公矧先臣之縟儀彝器咸在今汝躬之異數備物具彰必靜鎮於一方當表章於羣嶽勉服丕訓永保多祥

高麗史卷十三

東京兵馬都部署司致高麗牒

天慶四年

近有生女眞作過止差官領兵討伐仰指揮高麗國亦行就便於女眞邊界道路深入攻討應據人口財產房舍收虜蕩除仍緊切防備勿令走入彼界除要處所依據閃避

高麗史卷十三

高麗使還齎回詔

天慶五年

天祚帝

近以邊臣弛備。小寇擾民。方行有罪之誅。是議偏師之舉。以卿地隣賊境。職守侯藩。特諭整戎。庶令逐暴。卿遣馳使。來奉謝章。諒茲從命之臣。盡爾爲忠之節。適當春事。有慮農妨。姑務練修。別期進取。高麗史一四、東國通鑑。

遣耶律義等諭高麗發兵攻女直詔天慶五年

天祚帝

昨以女真不恭。王師問罪。自去冬而降詔。俾分路以進攻。雖曰整兵。未能殄寇。今則諸軍並會。叩境前行。况爾兵戎。早經點閱。便可即時而先出。毋或相應以後時。仍飭使人就觀進發。勉圖忠效。惟在敬從。仍賜段匹諸物。高麗史卷十四。

征女直詔天慶五年

天祚帝

女直作過大軍盡底翦除北盟會編三。

按遼史天祚紀國志卷十皆載「女真作過大軍翦除」八字。

封金主爲東懷國皇帝册天慶五年

天祚帝

朕對天地之閔休。荷祖宗之不業。九州四海屬王引謀夏錄作咸在統臨。一日萬幾。敢忘重任。任許作

慎宵衣爲事。事、計作志嗣服宅心。契丹國志無已上三十七字眷惟肅慎之區。實界扶餘之俗。土濱巨浸。巨浸、國志作

上國財布中區。區國志作嵌雅有山川之名。承其祖父。祖父、國志作父祖之構。構錄作緒國志作隆碧雲袤野。固須挺

於於、錄作之渠材。皓雪飛霜。霜、袁許并作霜疇不推。推國志作雄於絕駕。封章。封章許同國志作章封屢報誠意。交孚載念

遙芬。宣膺。膺、袁作膺多戩。是用遣蕭習泥烈。國志作蕭習烈等持節備禮。冊爲東懷國。至聖至明皇帝。

以上二十三字錄無嗚呼。國志嗚呼二字在地列豐腴句下義敦友睦。地列豐腴。惟信可以待人。惟寬可以馴物。以上十二字無戒哉。

欽哉。以上四字錄作戒只敬只式孚于休。北盟會編三契丹國志

按天祚冊阿骨打事。北盟會編作天慶五年。（金太祖收國元年）遼史拾遺十一引謀夏錄曰：『天慶八

年八月。阿骨打遣人契丹求封冊。……天祚付羣臣議。蕭奉先等喜。以爲自此無患。……冊阿骨打爲東懷

國皇帝。』契丹國志亦作天慶八年八月。阿骨打遣人詣天祚求封冊。并記十二月金國楊朴以儀物不全。

以爲非是。次年三月遣蕭習烈等回。云云。檢遼史天祚紀天慶七年末稱：『是歲女直阿骨打即皇帝位。建

元天輔。遣使議和以求封冊。』又『八年八月庚午。遣奴哥突迭使金議冊禮。』又『九年正月金遣烏林

答贊謨來迎冊。三月册金主爲東懷國皇帝。』金史太祖紀：『天輔三年（遼天慶九年）六月辛卯。遼遣

太傅習泥烈等奉册璽來。上撻册文不合者數事復之。』所記與遼史合。是册阿骨打事。當在天慶九年。卽宋徽宗重和二年。阿骨打始議求册。當在天慶七年。卽金天輔元年。會編國志所記。當是傳聞舛訛也。

遣使祭高麗。肅宗明懿太后文。天慶三年

天祚帝

惟靈溫惠毓德。柔嘉成儀。以母道教于一方。以親恩睦于九族。荃蘭香氣。本自芬芳。桃李有華。加之實實。先臣謝世。長嫡承家。棘風方丞於吹噓。薤露遽悲於零落。人生至此。天道難知。朕方撫存侯藩。知恤臣意。彼死生雖以數。至於母子。其如哀何。爰遣介軺。往陳奠禮。魂兮不昧。歆我殊私。高麗史八八、肅宗明懿太后傳。

案遼勅祭使爲永州管內觀察使耶律固太常少卿王侁。遣使勅祭。在高麗爲殊禮也。

回高麗請築九城詔。乾統九年

天祚帝

遠貢封章。粗陳事勢。其間土地之所屬。戶口之攸歸。已勅有司。具行檢勘。相次別降指

揮。高麗史九六金仁存傳。

遣蕭公聽致高麗牒。天慶九年

准樞密院奉聖旨劄子。高麗近因道途阻礙。難通貢賀。頒賜恩禮。亦且累年曠隔。仰差小使。因便傳詔。並致所賜衣著。高麗史卷十四

遣蕭遵禮賜高麗王詔

天慶十年

天祚帝

省所上表。具悉卿東陲立社。北闕稱藩。自二孽之戎生。致一方之路阻。嚮祈立嗣。未始行封。近稔勤王。又嘗敵愾。每念至此。已多憮然。更待乘宜。輒圖蕩寇。頃頒密詔。俾諭茲懷。道會多艱。人難偕往。或旋泝楫。莫達封函。賜幣微通。僅能將意。謝章遽拜。益驗輸誠。而又言出由衷。心期報上。既增慷慨。須事澄清。固在同仇。是爲大順。佇觀實效。續俟來音。更示頒宣。第思遵頒。高麗史卷十四

諭高麗王勅

天祚帝

保州本高麗地。高麗收之可也。高麗史卷十五

聞耶律淳卒詔

保大三年

天祚帝

天命至大。不可以力回。神器至公。未聞以智取。古今定論。歷數難移。是以聖人戒於盜

通文滙
竊故秦晉國王耶律淳九族之內推爲叔父

叔父、一作仲叔

一之尊百官之中未有人臣之重趨

朝不拜文印不名嘗降璽書別頒金券日隆恩禮朕實推崇衆所共知無負於爾比因

寇亂遂肆窺覷外徒有周公之儀內實稔子帶之惡不顧大義欲償初心任用小人謀

危大寶僭稱帝號私授天官指斥乘輿僞造符寶輕發文字肆赦改元以屠沽商賈爲

翌戴之臣以佞媚狙詐處清密之任不踰累月便至台階刑獄濫冤紀綱紊亂恣縱將

士剽掠州城致我燕人陷於塗炭天方悔禍

禍、一作過

神不助奸視息偷存未及百日一身

殄滅絕嗣覆家人鬼所讐取笑天下而又輒申遺令擅建長秋妄委婦人專行僞命其

逆臣李處溫父子同恣貪婪殺戮無辜助爲不法衆心離散立致分崩狼狽荒迷容身

無地罪誠難貸令在必行假其餘生庸示寬大據耶律淳大爲不道棄義背

背、一作負

恩壞

戾祖宗朕不敢赦應所授官爵封號盡行削奪并妻蕭氏亦降爲庶人仍改姓虺氏外

據皇太叔并妃別無關礙更不施行其封爵懿號一切仍舊嗚呼仰觀天意俯察輿情

勉而行之朕亦不忍且仲尼作春秋亂臣賊子懼後之爲臣子者可不慎歟

歟、一作哉

北盟會

降金表

按北盟會編二十一引亡遼遺錄載天祚降表、與大金集禮所載異恐有先後茲並存之、

天祚帝

遼降臣耶律延禧謹伏斧鉞躬詣大金國俯伏待罪臣聞人不患其勇患其為暴也伏

念臣祖宗創二百年之基承大大、許統位繼子傳孫郊祀上帝內外歡慶豈意微臣骨

寒命薄無德可保保、許不能當此夙夜惶駭罔知過咎冒犯忌諱若曉霜而遇烈日扁

舟而遭怒濤衆怨怨、許競興譖辭蠶起致茲慚德激揚聖怒轉加兵師憂懼懼、許之極

如坐炭湯炭湯、許蓋聞軹道之放荷蒙記記、許恤況若新安之歎例受無辜念漢皇之

仁恩誕敷濡澤諂項羽之過惡奚免終傷臣所懇也乞諧諧、許軹道之留免效新安之

禍戰慄之至仰干聰聽昧死謹言袁本北盟會編廿一、

降金表(二)

天祚帝

臣耶律延禧言今月十八日西北西南兩路都統府差蕭愈等登到文字該大金、甲伐錄無該字、准

奉詔旨招諭者伏念臣祖宗開先順天人而建業子孫傳嗣賴一作預功德以守成家有

大遼權持正統。拓土周數萬里。享國餘二百年。從古以來。未之或有。迨臣纂紹。卽已妄
爲恃太平。旣久之時。隳累代常行之法。寢行侮易。先忤交和。輒無名以舉一作行兵。望有

捷而張勢。曲直旣顯。勝負自分。雖黷武之再三。曾敗績之非一。往馳信使。永講前歡。特

蒙天地之恩。許結兄弟之睦。臣更爲眩惑。弗克遵依。以是再引戈矛。重尋釁隙。民神共

怒。智力俱窮。寶命旣歸。神器難守。宗廟傾覆。甘承去國之羞。骨肉旣一作見俘。獨作逃生

之虜。非天時之未識。緣己罪之尤深。宣諭幸聞。宸恩得浹。臣自知咎惡。猶積兢惶。伏念

皇帝陛下。念上世之舊歡。恕愚臣之前過。許奉先人之祀。留爲亡國之餘。則百姓荷一作

再造之恩。一族感聚居之義。謹與見在從官望闕俟罪。大金甲伐錄四、大金集禮

謝免罪表

臣延禧言。四月八日。賫到詔書一道。特免臣罪。及撫諭仍與西南西北兩路都統勃極
烈同朝見也。豈不自知。合被罪盈之責。將何以報。特蒙望外之恩。欣幸越常。兢惶失次。
伏惟皇帝陛下。仁洽萬物。道配二儀。猶推不忍之心。靡追旣往之咎。溫頒天語。秩振德

音俾底安全。特寬罪戾。非一身幸。一幸上有甚字、免武湯問罪之威。抑舉族矜全。荷唐虞好生之德。今專俟都統勃極烈赴闕同行次。大金弔伐錄四

謝封海濱王表

天祚帝

臣延禧言。今月七日伏蒙聖慈。特賜詔書一道。降封臣爲海濱王者。罪當不免。誠天下之公言。恩及有加。見聖人之全度。事來望外。喜出一作見憂中。伏念臣粵自祖宗。肇有社

稷。山河固國。開數萬里之提封。功德浹民。享二百年之福祿。迨臣繼統之後。昧於守成之難。矜得太平。作爲多罪。先絕隣好。輒造釁端。遂出無名之師。果爲有德也勝。未更十

載。併失五都。左右以之離心。中外以之解體。漸及窘迫。旋至播遷。大寶大寶、一作命寶、以歸。神

器安在。朝夕莫保。骨肉見離。伶僇一身。淒苦萬狀。昔兵連怨結。幾年忤先帝之心。今勢

盡力窮。何計逃吾君之手。伏承皇帝陛下。具依遺旨。明諭聖言。許臣不死之恩。恕臣既

往之咎。故當遵聽。是卽歸懷。今則先廟告成。中宸賜見。凌兢失魄。慚汗何顏。卽加斧鉞

之誅。正爲當罪。如投魑魅之處。非不甘心。豈期遽易刑章。曲從禮典。所幸得全性命。敢

希天上之恩。何期不伍公侯。更賜日中之號。此蓋皇帝陛下。大明徧照。至德兼容。取亂侮亡。仗殷周之義。繼絕興滅。推唐虞之仁。以致此身。得承先祀。倘九廟之靈不昧。潛亦知恩。况百口之屬更生。何忘報德。大金弔伐錄四、

興金完顏杲書保大二年

耶律淳

昨卽位時。在兩國絕聘交兵之際。奚王與文武百官同心推戴。何暇請命。今諸軍已集。儻欲加兵。未能束手待斃者。昔我先世。未嘗殘害大金人氏。寵以位號。日益强大。今忘此施。欲絕我宗祀。於義何如也。儻蒙惠顧。則感戴恩德。何有窮已。金史七六杲傳

遙降天祚帝為湘陰王詔保大三年

耶律淳

大道既隱。不行揖遜之風。上四字許作選授之公皇天無私。自有廢興之數。事貴貴、許作繫袁作易、德效。效、許作致人

難力為。朕幼保青宮。長歸朱邸。雖曰曰、會編作爲、人情之久繫。誰云神器之可求。許有常字欲避

周公之嫌。未許有曾字忘季札之節。奈何一旦之無主。致使四海四海會編作兆民之求君。推戴四從。

謳歌百和。不敢墜墜、會編作頁、祖宗之業。勉與攬帝王之權。實懼實懼、會編作尙慮、纂圖之為難。尙思

尙思、會編復辟之可可、會編待近得羣臣之奏。概陳前主之非。所謂懷諫矜能。比頑棄德。

躁動靡常節。平居無話言。室家之杼軸盡盡會編空。更滋淫費。宗宗會編廟之衣冠見毀。不

輟常咄。漢子子會編之戮實實下會編無名。伋妻之亂孰可忍。孰可忍袁作尤不可加以權臣壅隔。政

事糾紛。左右離心。遇邇解體。以上十八字袁無訖無悛悟。悟會編以致播遷。伊感感、會編自貽大勢已

去。是謂辜辜會編四海之望。安得冒一人之稱。宜削徽名。用昭否德。方朕心之牽愛。尙不

忍從。奈羣議之大大會編。公正復見請勉循勉循袁作是以。故事用降新封。可降封為湘陰王。

嗚呼。命不于常。事非得已。以上八字、袁作「進退惟公廢興有義、」豈予予、許小子敢敢、會編專位號之尊。

已上七字會編無蓋循循會編衆心以為社稷之計。凡在聞聽。體予至懷。以上四字、會編作「體朕意焉、」

即位革弊詔保大三年

耶律淳

自我烈祖肇創造之功。至於太宗宗、許。恢廓清之業。故得奄有區夏。全付子孫。邇後纂

承。罔不祇肅。傳二百祀之逾遠。得億兆人之底寧。蓋太平或弛於細娛。娛、許而內治多

遺於外患。以是邊鄙生茲寇讐。漸為蔓草之難圖。公肆長蛇之薦食。敢來問鼎。直欲爭

衡敵壘尙遙。王師自潰。兵非不銳。事止失和。故使乘輿越在草莽。地隔不果相赴。旬餘莫知所歸。三邊蕩搖。百姓震懾。懼不相保。謂將疇依。咸云六合爲家。不可一日無主。共戴眇質。用登至尊。皆出素衷。尙慙否德。又念與其長天下之亂。曷若復我家之功。苟其宗社不移。亦曰神靈所望。勢不克避。理當共知。嗚呼。朕以久處王藩。歷更政務。務、許作教凡民疾苦。與事便宜。靡所不知。亦曾熟慮。自今以以、許作而後。革弊爲先。所期俾四海用寧。不敢以萬乘爲樂。敢告遠邇。予不食言。北盟會編五

諫天祚疏保大二

耶律大石

自金人初陷長春遼陽兩路。兩路二字 遼史無則車駕幸廣平甸。甸、遼史作遊而都中京。及陷上京。則都

燕山。及陷中京。則都都、遼史作幸雲中。及陷及陷遼史作自雲中。則奔則奔、遼史作而奔播遷夾山。向以全師不謀

戰備。以至以至、遼史作使舉國漢地。全爲金人所有。遼史作皆爲金有四字國勢微弱。微弱二字 遼史無至此而方求戰。

非計者。當養兵待時而動。不可輕舉。亡遼錄、遼史天祚紀

示西域十八部王諭保大二

耶律大石

我祖宗艱難創業。歷世九主。歷年二百。金以臣屬。逼我國家。殘我黎庶。屠翦我州邑。使我天祚皇帝蒙塵於外。日夜痛心疾首。我今仗義而西。欲借力諸蕃。翦我仇敵。復我疆宇。惟爾衆亦有軫我國家。憂我社稷。思共救君父。濟生民於難者乎。遼史天祚紀

遣回鶻王假道西征書

保大三年

耶律大石

昔我太祖皇帝北征。過卜古罕城。卽遣使至甘州。詔爾祖烏母主曰。汝思故國耶。朕卽爲汝復之。汝不能返耶。朕則有之。在朕猶在爾也。爾祖卽表謝。以爲遷國於此。十有餘世。軍民皆安土重遷。不能復返矣。是與爾國非一日之好也。今我將西至大食。假道爾國。其勿致疑。遼史天祚紀

改元與百官詔

延慶元年

耶律大石

朕與卿等行三萬里。跋涉沙漠。夙夜難勤。賴祖宗之福。卿等之力。冒登大位。爾祖爾父。宜加恤典。共享尊榮。遼史天祚紀

東征誓衆文

康國元年

耶律大石

我大遼自太祖太宗艱難而成帝業。其後嗣君耽樂無厭。不恤國政。盜賊蠭起。天下土崩。朕率爾衆遠至朔漠。期復大業。以光中興。此非朕與爾世居之地。遼史天祚紀

諭元帥幹里刺

耶律大石

今汝其往。信賞必罰。與士卒同甘苦。擇善水草以立營。量敵而進。毋自取禍敗也。遼史天

祚紀

誠田獵統和十五年

景宗睿智皇后

前聖有言。欲不可縱。吾兒爲天下主。馳騁田獵。萬一有御櫪之變。適遺予憂。其深戒之。

遼史聖宗紀

囚鐸臻誓

淳欽皇后

鐵鎖朽當釋汝。遼史七五、本傳

伏虎林應制

懿德皇后

威風萬里壓南邦。東去能翻鴨綠江。靈怪大千俱破膽。那教猛虎不投降。淡椒錄

君臣同志華夷同風應制

懿德皇后

虞廷開盛軌。王會合奇琛。到處承天意。皆同捧日心。文章通蠡谷。蠡谷、一作鹿巖聲教薄雞林。

大寓看交泰。應知無古今。焚椒錄

諫獵疏

懿德皇后

妾聞穆王遠駕。周德用衰。太康佚豫。夏社幾屋。此遊佃之往戒。帝王之龜鑑也。頃見駕幸秋山。不閑六御。特以單騎從禽。深入不測。此雖威神所屈。萬靈自為擁護。儻有絕羣之獸。果如東方所言。則溝中之豕。必敗簡子之駕矣。妾雖愚闇。竊為社稷憂之。惟陛下尊老氏馳聘之戒。用漢文吉行之旨。不以其言為牝雞之晨而納之。焚椒錄

回心院十首

懿德皇后

埽深殿。閉久金鋪暗。游絲絡網塵。作堆積歲青苔厚。階面埽深殿。待君宴。

拂象牀。憑夢借借、一作借。一高唐。敲壞半邊知。妾臥恰當天處少。輝光拂象牀。待君王。

換香枕。一半無雲錦。為是秋來轉展多。更有雙雙淚痕滲。換香枕。待君寢。

鋪翠被。羞殺鴛鴦對。猶憶當時叫合歡。而今獨覆相思塊。鋪翠被。待君睡。
裝繡帳。金鉤未敢上。解卻四角夜光珠。不教照見愁模樣。裝繡帳。待君眠。
疊錦茵。重重空自陳。只願身當白玉體。不願伊當薄命人。疊錦茵。待君臨。
展瑤席。花笑三韓碧。笑妾新鋪玉一牀。從來婦歡不終夕。展瑤席。待君息。
剔銀燈。須知一樣明。偏是君來生彩暈。對妾故作青熒熒。剔銀燈。待君行。
燕薰鑪。能將孤悶蘇。若道妾身多穢賤。自霑御香香徹膚。燕薰鑪。待君娛。

張鳴箏。恰恰語嬌鶯。一從彈作房中曲。常和窗前風雨聲。張鳴箏。待君聽。

焚椒錄

懷古

懿德皇后

宮中只數趙家妝。敗雨殘雲誤漢王。惟有知情一片月。曾窺飛燕入昭陽。

焚椒錄

絕命詞

懿德皇后

嗟薄祜兮多幸。差作儷兮皇家。承昊穹兮下覆。近日月兮分華。託後鉤兮凝位。忽前星
兮啓耀。雖纒累兮黃牀。庶無罪兮宗廟。欲貫魚兮上進。乘陽德兮天飛。豈禍生兮無朕。

蒙穢惡兮宮闈。將剖心兮作兮一自陳。冀迴照兮白日。甯庶女兮多慚。遏飛霜兮下擊。顧

子女兮哀頓。對左右兮摧傷。其西曜兮將墜。忽吾去乎椒房。呼天地兮慘悴。恨今古兮

安極。知吾生兮必死。又焉愛兮旦夕。焚椒錄

諷諫歌

天祚文妃

勿嗟塞上兮暗紅塵。勿傷多難兮畏夷人。不如塞姦邪之路兮。選取賢臣。直須臥薪嘗
膽兮。激壯士之捐身。可以朝清漠北兮。夕枕燕雲。遼史七一本傳

詠史

天祚文妃

丞相來朝兮劍佩鳴。千官側目兮寂無聲。養成外患兮嗟何及。禍盡忠臣兮罰不明。親
戚並居兮藩屏位。私門潛畜兮爪牙兵。可憐往代兮秦天子。猶向宮中兮望太平。遼史七一本傳

趙德麟侯鯖錄七云、一契丹天祚文妃喜文墨、嘗作史詩以諷諫云、一丞相朝來佩劍鳴、千官側目寂無聲、養成寇盜謀將及、害盡忠臣諫不行、親戚盡連藩屏翰、私門潛畜爪牙兵、可憐二世秦天子、猶向宮中望太平。』

遣使詣宋納款稱臣表德興元年

蕭太后

遼國太后妾蕭氏言。蓋聞溟海納汗。繫衆流而畢會。太陽舒照。豈燭火以猶飛。方天下

之大同。故聖人之有作。拊心悼往。飲泣陳辭。伏念妾先世乘唐晉之季年。割燕雲之外地。暨逢聖運。已受齊盟。義篤一家。誓傳百禩。孰謂天心改卜。國步多艱。先王遇板蕩之餘。勵興復之志。始歷推戴。奄致淪殂。爰屬惇嫠。俾續禴祀。常欲引干戈而自衛。與社稷以偕亡。伏念生靈重罹塗炭。與其陷執迷之咎。曷若為奉上之勤。伏遇皇帝陛下。四海宅心。兆人為命。敷文德以柔遠。奮武烈烈、許作怒以訓時。必將拯救黎元。混一區宇。仰承嚴命。敢稽歸款之誠。庶保餘生生、許作年。猶荷永綏之惠。今差永昌宮使蕭容。乾文閣直學士韓昉等。詣闕奉表陳奏。以聞。臣妾蕭氏誠惶誠恐。稽稽、許作頓首頓首謹言。德興元年九月十日遼國太后臣妾蕭氏上表。

北盟會編十引封氏編年

遼文匯卷四

陳述校輯

海上詩

東丹王

小山壓大山。大山全無力。羞見故鄉人。

故鄉、松模記
聞作當鄉、

人從此投外國。

遼史七二本傳

請太祖卽位對問

耶律室魯

聞于越之生也。神光屬天。異香盈幄。夢受神誨。龍錫金佩。天道無私。必應有德。我國削弱。齟齬於鄰部日久。以故生聖人以興起之。可汗知天意。故有是命。且遙輦九營。棊布非無可立者。小大臣民。屬心于越。天也。昔者于越伯父釋魯嘗曰。吾猶蛇兒猶龍也。天時人事。幾不可失。遼史七三本傳

請徙渤海民於梁水表

耶律羽之

我大聖天皇。始有東土。擇賢輔以撫斯民。不以臣愚而任之。國家利害。敢不以聞。渤海昔畏南朝。阻險自衛。居忽汗城。今去上京遼邈。既不爲用。又不罷戍。果何爲哉。先帝因彼離心。乘釁而動。故不戰而克。天授人與。彼一時也。遺種寢以蕃息。今居遠境。恐爲後

患梁水之地。乃其故鄉。地衍土沃。有木鐵鹽魚之利。乘其微弱。徙還其民。萬世長策也。彼得故鄉。又獲木鐵鹽魚之饒。必安居樂業。然後選徒以翼吾左。突厥黨項室韋夾輔吾右。可以坐制南邦。混一天下。成聖祖未集之功。貽後世無疆之福。

遼史七五、耶律觀烈附羽

之傳

遣使詣後唐上表天顯二年

盧文進

頃以新州團練使李存矩提衡羣邑。掌握恩威。虐黎庶則毒甚於豺狼。聚賦斂則貪盈於溝壑。人不堪命。士各離心。臣即拋父母之邦。入朔漠之地。幾年鴈塞。徒向日以傾心。一望家山。每銷魂而斷目。李子卿之河畔。空有怨辭。石季倫之樂中。莫陳歸引。近聞皇帝陛下。皇天眷命。清明在躬。握紀乘乾。鼎新革故。始知大幸。有路朝宗。便貯歸心。祇伺良會。臣十月十日。決計殺在城契丹。取十一日離州。押七八千車乘。領十五萬生靈。十

四日已達幽州云。輯本薛史九七本傳

討晉帝石重貴杜重威奏會同

耶律圖魯審

臣愚竊以爲陛下樂於安逸則謹守四境可也。旣欲擴大疆守出師遠攻詎能無塵聖慮。若中路而止適爲賊利則必陷南京夷屬邑。若此則爭戰未已吾民無奠枕之期矣。且彼步我騎何慮不克。况漢人足力弱而行緩如選輕銳騎先絕其餉道則事蔑不濟矣。遼史七五本傳

軍國要務奏

會同八年

軍國之務愛民爲本。民富則兵足。兵足則國彊。遼史食貨志上

僧義則造經幢記

會同九年

□夫六道循環□蘊虛假融□而成岳。流渴愛以爲河。擾擾焉如投燄之蟲。忙忙焉如濡沙之獸。不有至道。其孰能拯救者哉。則我大覺慧珠空王密藏。妙用遐周於沙界。神功廣被於人天。巍巍乎可得而言。蕩蕩乎無遠不屆。至如釋塵芳境。除七返之輪迴。入解脫門。破四魔之顛倒。津□□利濟三途。救火宅之焚燒。導苦海之沈溺者。莫尙乎佛頂尊勝陀羅尼呪也。明□□我弃世□□其□安□高樓置於窳堵。或資敬仰用

廣瞻依俾蹈□□正□□□□□□□□□□修敬造永契殊因粵有□□□□

□□□□用性惟明□□□□俗爲累常體□□心□情於美服豐粧屬□□□□□□

□□之□滅知來□□以非堅爰自廿年不食薰茹遐瞻勝槩□□□□□□□□

而乃毀周身之服玩滅實腹之資儲召募良工□□□□□□刊其□□立□□儼鎮地

之崇基聳參雲之逸勢成因積用詎假□□□□□□□□□□之□處陵移谷變標

勝置以無□□日往月來垂善□□□□□□□□□□時會同九祀龍集敦牂歲玄

月二十一日謹記拓本

遺晉蠟書會同九年

劉延祚

欲謀翻變以本城歸命輯本薛史晉少帝紀

遺樂壽監軍王巒請內附書會同九年

劉延祚

城中蕃蕃、通鑑軍不滿千人請請、通鑑朝廷發軍軍、通鑑襲取通鑑無之已爲內應又云今秋

苦苦、通鑑雨川澤漲溢以上四字通鑑無自瓦橋已北水勢水勢、通鑑無際戎王戎王、通鑑已歸本國本國、通鑑

若若、通鑑作雖聞南夏南夏、作關南有變地遠阻水雖欲奔命無能及也。

水字下通鑑作不能救也四字 輯本薛史晉

帝紀

按通鑑開運三年九月丙辰「契丹使瀛州刺史劉延祚遺樂壽監軍王辯書請舉城內附」云云考異曰

「歐史作高年翰按陷蕃記前云「延祚詐降輸誠款後云大軍至瀛州偵知高模翰潛師而出」蓋延祚

為刺史模翰乃戍將」又輯本薛史一〇九李守貞傳「開運三年九月會契丹遣瀛州刺史僞降」云云

是此書與前蠟書皆出於劉延祚翻變云云則詐降耳。

復後晉杜威書會同九年

趙延壽

久處異域思歸中國乞發大軍應接拔身南去。通鑑後晉紀六

按通鑑開運三年（遼會同九年）有自幽州來者言趙延壽有意歸國樞密使李崧馮玉信之命天雄節

度使杜威致書於延壽具述朝旨啖以厚利延壽復書云云檢此書并見於輯本薛史八四晉少帝紀作

「久陷邊庭願歸中國乞發大將遣接即拔身南去」文字少歧當是薛司馬二氏之刪潤也。

失題

趙延壽

黃沙風捲半空拋。雲重陰山雪滿郊。探水人回移帳就。射鵬箭落著弓抄。鳥逢霜果飢還啄。馬渡冰河渴自跑。占得高原肥草地。夜深生火折林梢。太平廣記二百引趙延壽傳

右詩咏契丹景色也。蘇轍變城集有虜帳詩云：「虜帳冬住沙陀中。索羊織葦稱行宮。從官星散依冢阜。羶

廬窟室欺霜風。春梁煑雪安得飽。擊免射鹿夸強雄。朝廷經略窮海宇。歲遺繒絮消頑凶。我來致命適寒苦。

積雪向日堅不融。聯翩歲旦有來使。屈指已復過奚封。禮成即日卷廬帳。鈎魚射鵝滄海東。秋山旣罷復來

此。往返歲歲如旋蓬……」蘇詩一類。皆附於遼國聞見滙錄。

葬舍利佛牙石匣記

天錄三年

達摩禪師遠涉流沙。登雪嶺。得釋迦舍利辟支佛牙到此。於八年季春月。莫凋十一葉。染疴而逝。臨遷化時。將舍利佛牙付仙露寺講維摩經比丘尼定徽。建窣堵波。尋具表奏聞。大遼皇帝降宣頭一道錢三百貫。以充資助。於天祿三年歲次己酉四月十三日。

安葬施主名具鐫於後。朱彝尊吉金貞石記

附朱彝尊跋文

京師仙露寺金人俘宋室子女置其中見蔡條北狩行錄趙子砥燕雲錄顧地志失載遺蹤遂不可稽康熙

二十六年五月宣武門西南居民掘地得石匣匣旁有記自稱『講經律論大德志願錄并書』乃遼世宗

天祿三年瘞舍利佛牙于此記後有千人邑三字蓋社名也施主姓名首列帝后諸王大臣下及童男小女

考遼史世宗妃甄氏後唐宮人帝從太宗南征得之寵遇甚厚及卽位立爲皇后至天祿四年方册立皇后

蕭氏二后同死察割之亂并葬于醫巫閭山記刻于三年所云皇后蓋指甄也東明王者疑是明王安端卽

察割之父以功王東丹國故曰東明王也燕主大王者中臺省右相牒蠟爲南京留守封燕王故曰燕主大

王也國舅相公者靖安蕭太后族只撒古魯以天祿元年爲國舅帳詳穩故曰國舅相公也獨趙思溫子延

照史作延昭而通鑑亦作照常疑是爲石晉祁州刺史後仍歸遼餘子本末不得其詳矣又記有建翠塔波

之文疑當時石匣置于塔下塔久廢而石匣僅存土中匣已無蓋其舍利佛牙又不知何時散佚也曝書亭

集五一、

感化寺智辛禪師塔記應曆二年

張明

粵惟開示悟入四義昭然達此真垂深信禪理心非心所繫法無法可宣萬有都亡一

言頓悟。復□□三祇而精進。觀四智以通明。卽我感化寺辛禪師者矣。禪師諱智辛。俗姓王氏。金臺三河人也。昔有成周。而分玉胄。慶流緱嶺。世保淮源。祖讓積德。彌高厭榮。不仕。父從遺風益著。守道居閒。禪師氣稟淳和。性惟沉靜。爰從佩鞶。便悟出塵。神穎不羣。風鑒高邁。糠粃仲尼之典。錙銖老子之言。考彼兩宗。伏膺大教。年十有五。憤悻違親。禮剏茲寺。降龍大師門人徹禪師落髮金刀。灰心玉剏。精勤永法。夙夜澄神。乾甯一載。本寺依年受具。夏滿遊方。檢聲聞之密行。情深濟物。運無欲之慈心。訪真侶於江南。禮名山於湖外。一參□要。悉悟玄機。繇是覽大藏經。明諸佛行。曰飛金錫。曾屆青州。爲四衆以開禪。乃五侯而請益。歸依轉甚。珍重彌增。禪師泊傳六祖之衣。將付一眞之理。故山卻返。法席重開。而有達人。請居都邑。寓崇國寺。叅般若市。來往如雲。禪師去天祿五年。仲秋中旬末。絕粒數日。忽爾剃髮著衣。告門人曰。吾來也久。其去也常。各了眞空。共成佛道。言訖。示微疾。至廿四日坐化。暝如習定。□似安禪。咸想鶴林。宜歸火葬。至廿九日。幡花犬□道俗悲號。闕葬於燕城之北。碧岫雲愁。寒郊水噎。門人崇德。崇信。崇美。崇

益崇闡崇廣弟子瓊習瓊□□□等九人並師資恩重孝敬情深絕曾子之漿泣高柴
之血□□舍利以應曆二年歲次壬子十月甲申朔廿五日戊申□於茲寺東嶼起塔
供奉請書琬琰俱紀□□□□□□□□□□□□□□□□□□□□□□□□□□□□□
塔（下缺）志寺

（下泐）拓本

大都崇聖院碑記應曆十年

王鳴鳳

大覺垂慈聖人利物是故發源西國則優填創其始移教東域則漢明肇其初導四生
於寶所運三有於大乘巧使現權之教以救未來蒙迷時有范陽僧人惠誠俗姓張母
孫氏少歲禮惠華寺玉藏主爲師授以天台止觀攜錫縱遊逕過此處地名三益山崇
聖院見其山明水秀地傑人豐林樹鬱茂菓株滋榮殿宇頽毀古跡猶存石幢一座乃
晉唐之興修實往代之遺踪惟見一僧耆年老邁病患相仍嘆之不已嗟之不息遂迺
發心募化衆緣郡公王希道張仲釗蕭名遠楊從實等同發誠心各捨己資於大遼應
曆二年戊辰歲三月內興工至應曆八年甲戌歲八月中秋營理大殿三間中塑釋迦

牟尼佛。左大智文殊師利菩薩。右大行普賢菩薩。兩壁懸山應真一十八尊羅漢。東西伽藍祖師二堂兩廊。僧舍二楹。鍾鼓二樓。晨昏梵唄。用宣佛化。引導羣迷。上祝皇王。鞏固帝道。遐昌佛日。增輝法輪。常轉。今則殿宇一新。金碧燦爛。山門廊廡。俱已克備。厥此眞石。永爲千古之叢林。萬代之不磨者矣。是爲記。銘曰。

應曆年間重建。多虧衆信施財。殿宇金碧交輝。聖容燦爛爭鮮。鍾聲朗朗。罄山川鼓韻。鑿鑿霄漢。碑石萬劫不磨。英名古代留傳。人人瞻禮。福無邊。鷺峰靈境不換。

大遼應曆十年丙子歲四月吉日立碑。

拓本

重修范陽白帶山雲居寺碑

應曆十五年

王正

東北方之美者。有若燕山。燕山之殊勝者。有若雲居寺。寺之東一里有高峯。峯之上千餘步有九室。室之內有經四百二十萬言。梵文泉興。巖穴鱗次。嘉木蔭翳於萬壑。磴道曲盤於半空。擬西方密藏之山。則鷺峯龍窟。鎮東漢祕文之宅。則天祿石渠。本自靜琬。高僧始厥謀。歷道邈迨。智苑諸公成其事。原夫靜琬之來也。以人物有否泰。像教有廢

興傳如來心。成衆生性者。莫大於經勒靈篇。敝來劫者。莫堅於石。石經之義遠矣哉。藏
千萬法。垂五百年。曾拔宅而此經存。海飛塵而此經在。粼粼白石。甯懼始皇之焚。岌岌
碧巖。不畏會昌之毀。致此雲居之寺。多以石經爲名。佛宇經廚。僧坊鐘閣。材惟杞梓。砌
則琳珉。古檜星羅。流水環遶。璇提相望。門闢洞開。其中琢玉泥金。後素作繪。般爾之心。
匠。僧凱之筆精。皎皎然。煌煌然。逞巧計工。焉知幾萬。度材揆室。何啻數千。故太行之山。
茲寺爲中。若以東西五臺爲眉目。孤亭六聘爲手足。弘業盤山爲股肱。則佛法大體。念
茲在茲矣。風俗以四月八日共慶佛生。凡水之濱山之下。不遠百里。僅有萬家。預饋供
糧。號爲義食。是時也。香車寶馬。藻野縟川。靈木神草。粲赫芊緜。從平地至於絕巔。雜沓
駕肩。自天子達於庶人。歸依福田。維摩互設於香積。焉將通戒於米山。面丹□者。熙熙
怡怡。謂□閣於斯。俯清流者。意奪神駭。謂苑伽無礙。醪施者。不以食會而由法會。巡禮
者。不爲食來而由法來。觀其感於心。外於身。所燃指續燈者。所鍊頂代香者。所墮巖捨
命者。所積火焚軀者。道俗之間。歲有數輩。噫。佛之下生。人卽如是。先是庚子年。寺主謙

諷和尚爲門徒之時。會僕自皇后臺操觚之暇。被褐來遊。論難數宵。以道相得。和尚與僕約曰。夫人入仕。則竭忠以事君。均賦以利國。平徵以肅民。出家則莊嚴以奉佛。博施以待衆。齋戒以律身。盡此六者。可謂神矣。可謂神矣。自茲以別。迨今十五年矣。復與和尚會於此寺。僕以職倅於瀛。掌記於武定。廉察於奉聖。陟在憲臺。遷在諫署。佐茲邦計。有日矣。和尚則歷網維典。寺事見風雨之壞者。及兵火之殘者。請以經金。遂有次序。以壇物畢萃於十方。故建庫堂一座。五間六架。以庖人可供於四衆。故建廚房一座。五間五架。以我佛方轉於法輪。故建轉輪佛殿一座。五間六架。以待賓不可以無位。次建暖廳一座。五間五架。又化助前燕主侍中蘭陵公建講堂一座。五間七架。又化助公主建碑樓一座。五間六架。并諸腰座。建飯廊二十三間四架。次又建東庫四間五架。次建梵網經廊房八間四架。次蓋後門屋四座。餘有捨短從長。加朱施粉。周而復始。不可殫論。於戲。小人入仕之風。不足畏也。和尚出家之理。亦以至矣。乙丑歲。天順皇帝御宇之十。五載。丞相秦王統燕之四年。泰階平格。擇明。八風草偃。四海鏡清。魑魅魍魎。卽其鬼以。

不神鳳凰麒麟亦背僞以歸真。一金之施期功德以絕倫。一介之士欲風聲之不泯。和尙慶此得時。懇求作記。僕以靜琬漂木涌泉之異。在唐臨冥報記。諸公舉續刊助之日。在太原智邈碑。燕國土風之狀。在室尙父昉文。更或潤詞終成誕說。今之所紀。但以謙諷等同德經營。協力唱和。結一千人之社。一千人之心。春不妨耕。秋不廢穫。立其信導其教。無貧富後先。無貴賤老少。施有定例。納有常期。貯於庫司。補茲寺缺。維那之最者。有若前涿牧天水公珣。當舉六條。甚敬三寶。次則三傳隴西疑。准披法服。亦篤佛乘。說無緣爲有緣。化惡果爲善果。和尙則生生世世。應報宿緣。施者則子子孫孫。共酬前願。故寺不壞於平地。經不墜於東峯。古者廬嶽蓮花。尙存芳躅。近者恆山鐵塔。亦錄前身。夫如是。有客稽首靈巖。載爲銘曰。

佛滅法兮□□堪哀。鑿空刊石兮靜琬有才。仙衣拂兮盡不盡。劫火焚兮灰不灰。山河未壞兮幾人見。乾坤相軋兮知誰開。龍神護兮有道則見。天人歸兮求福不回。經五百年千仞上。夫何有於歲月。和尙曰善哉善哉。敬佩斯語。

敢告將來。拓本

按此碑在房山文二十三行行六十四字日下舊聞僅載四百餘字非全文也。

李崇菀爲亡父彥超造經幢記

應曆十六年

若夫皇覺弘仁福祐含識玉毫垂照有感必通金臂舒光無幽不燭救衆生之危苦拔
旁類之罪殃敷妙法以誦持樹□幢而刊勒隨期解脫澤沛神靈卽尊勝缺下□□毅勇

功臣前武定軍內外馬步軍都指揮使兵馬都部署金紫崇祿大夫特進檢校司徒使

持節易州諸軍事易州刺史兼御史大夫上柱國隴西李公彥超男崇菀以亡父當唐

祚替陵大遼啓運缺下□□□□□□□□□□本朝權縮□師警禦邊徼因茲阻闕徒懸

晨夕之心積變炎涼莫委存亡之耗由是傾虔梵宇特立法幢上禱金僊福祐慈父意

者保延祿壽被惠日以長榮奄謝英缺下□□□□□□□□□□延刊貞珉崇此勝因慶

資奔世時應曆十六年歲至丙寅五月乙丑朔十二日丙戌異時建拓本

上言請還北漢使者保寧二年

高勳

我與晉陽父子之國也。歲嘗遣使來觀，非其大臣，卽其子弟。先君以一怒而盡拘其使，甚無謂也。今嗣主新立，左右皆非舊人，國有憂患，寧不我怨。宜以此時，盡歸其使。

李濂長

編

再建經幢記

保寧元年

維大遼保寧元年六月十五日，都亭□侯太原王公爲皇妣自會同九年□捨資□□□事□於□地特建□幢在經藏前集功德□□□□家道合昌既須備於□□利益就奉福寺文殊殿前，又建經幢於瀨村之墳，京東之墓，各置佛頂尊勝陀羅尼幢一所，前後四處，咸仗大通之可蔭，及其孫門□不墜，邇後當院隆盛檀樾□□復近僧堂，又興佛殿，新幢當路，須至開遮，乃移舊基於殿之右，皇妣靈鑒，欲表□誠，如遊六欲之宮，永固五雲之狀，所冀飛花雨寶，時來觀刊石之功，執傘持幡，却去上摩尼之殿，仍將片善，福及見存，以球琳琅玕富其家，以椿檜栝柏齊其壽，四生六道，咸霑此恩，所有內外宗親，依舊列名於後而已矣。

拓本

按查慎行人海記云：「歸義寺剏於遼，內有石幢記作駢語，末書「會同九祀龍集敦牂玄月二十一日謹記。」」又記云云，卽節此幢記之文。

查氏於幢記節文之後，又記建幢人云：「建幢女弟子張氏，長男攝祁州司馬□，次男留守押衙前都亭

驛使□，次男攝寰州長史恕，長女成郎婦，次女李郎婦，次女陳郎婦，未嫁女吉年，孫男三牛

銀青崇祿大夫檢校工部尙書兼御史大夫上柱國鄭成嗣表弟閣門使崇祿大夫檢校□部尙書兼御史

大夫上柱國郭陟，次表弟將仕郎前守昌平縣主簿郭□鑄，字者尹奉威也。」

上言乞止南京疏畦種稻事

耶律昆

高勳此奏，必有異志，果令種稻，引水爲畦，設以京叛，官軍何由而入。遼史八五高勳傳

按高勳於保寧中，以南京郊內多隙地，請疏畦種稻，帝欲從之，以昆之言而罷。

移文宋天池縣

遙祀天池廟，有應以屬南朝地，未敢擅修。范祖禹池太史集四〇郭遠墓誌銘。

按范集稱郭遠於故牘中得與國中契丹移文天池縣云云，太平興國凡八年，八年當遼聖宗統和元年，知

當在景宗之世矣。

諫獵書 景宗

郭襲

昔唐高祖好獵。蘇世長言。不滿十旬。未足為樂。高祖即日罷。史稱其美。伏念聖祖創業艱難。修德布政。宵旰不懈。穆宗逞無厭之欲。不恤國事。天下愁怨。陛下繼統。海內翕然。望中興之治。十餘年間。征伐未已。而寇賊未弭。年穀雖登。而瘡痍未復。正宜戒懼修省。以懷永圖。側聞恣意遊獵。甚於往日。萬一有銜檄之變。搏噬之虞。悔將何及。況南有疆敵。伺隙而動。聞之得無生心乎。伏望陛下。節從禽酣飲之樂。為生靈社稷計。則有無疆之休。遼史七九本傳

乞二詳穩依舊制表 保寧六年

奚和朔奴

臣竊見太宗之時。奚六部二宰相二常袞。誥命太常袞班。在酋長左右。副常袞總知酋長五房族屬。二宰相匡輔酋長。建明善事。今宰相職如故。二常袞別無所掌。乞依舊制。

遼史八五本傳

與知雄州孫全興書保寧六年

耶律琮

琮濫受君恩，猥當邊任。

太平治迹統類二〇作琮受君命出守雄邊、繆氏引又無出守雄邊四字

臣無統類作臣論

交於境外，言則非宜，事有利

於國家，專之亦可。切思南北

統類無切思二字、南北作西北、繆氏引統類作南北同

兩地，古今所同，曷嘗不世

世字統類作屢、繆氏引統類又作世

載歡盟，時通贄幣，往者晉氏後主，政出多門，惑彼強臣，忘我大義，干戈以之日

統類漏日字、繆引

統類不漏

用，生靈於是罹災，今茲兩朝，本無纖隙，若或交馳，一介之使，顯布二君之心，用息

疲民，重修舊好，長為與國，不亦休哉。琮以甚微，敢

敢字、統類作取、繆氏引統類則作敢干斯義，遠布布字、統類宋朝事實並作希

通悟，洞垂鑒詳。

宋會要蕃夷契丹條、宋朝事實二〇

右文繆氏據太平治迹統類彙錄，今校適園叢書本太平治迹統類，間有歧異，繆氏或據別本也。又楊文公

談苑宋類類苑七八引同云：「開寶中，虜涿州刺史耶律琮遺書於我雄州刺史孫全興，求通好曰：『兵無交於

境外，言即非宜，事有利於國家，專之亦可。』當是傳誤。

按與孫全興書，并見於宋朝事實統類會要及長編，皆稱契丹涿州刺史耶律琮致書於孫全興云云。檢遼

史聖宗紀保寧六年三月，宋遣使請和，以涿州刺史耶律昌尤加侍中與宋議和，蓋琮即昌尤也。考遼史八

六耶律合住傳拜涿州刺史宋數遣人結歡兼達和意合住表聞帝許之曷昌形似尤住音同實一人也

太子左衛李內貞墓志佚句

李公諱內貞字吉美。媼汭人。唐莊宗時舉秀才。授將仕郎。試祕書省校書郎。守雁門縣主簿。次授蔚州興唐縣主簿。次授儒林郎。試大理寺丞。守媼州懷來縣丞。大聖皇帝兵至。迎降。加朝散大夫。檢校工部尙書兼御史中丞。賜紫金魚袋。兼屬珊都提舉使。嗣聖皇帝改銀青光祿大夫。檢校尙書右僕射兼御史大夫。天授皇帝加檢校尙書左僕射。燕京留守南面行營都統燕王知其才。補充隨使左都押衙中門使兼知廳勾。次攝薊州刺史。次授都峯銀冶都監。天贊皇帝改檢校司空兼御史大夫。上柱國行太子左衛率府率。保寧十年六月一日薨于盧龍坊私第。年八十。以當年八月八日葬于京東燕下鄉海王村。先娶殷氏女。有三子。後娶何氏女。生二男。弟僧可延。天順皇帝授普濟大師。賜紫。長子瓚。金紫崇祿大夫。檢校司空南奚界都提紀使兼御史大夫。次子玉。燕京都麴院都監。金紫崇祿大夫。檢校司空兼御史大夫。上柱國。次子琰。銀青崇祿大夫。檢

校尚書右僕射兼御史大夫上柱國前大石銀冶都監次子昭前遼興軍節度推官將仕郎試祕書省校書郎次子璟攝宜州觀察推官

錢大昕潛研堂文集十八

劉繼文墓誌乾亨三年

文秀

詳夫聖凡異矣。生滅同焉。丘懷逝水之悲。聃起患身之嘆。高低貴賤。孰免斯歎。察□□於羣言。興亡於常道者也。公諱繼文。字敏素。本太原人也。出自彭城河南等二十五望。並自陶唐之後。相次分派。帝代絕多。降至伯翁高祖皇帝諱知遠。詔晉高祖為侍衛親軍。英才卓秀。器度恢弘。忠貞至玉。石比堅。謹節而松筠讓操。親承五賊。妙善六韜。內心腹而外爪牙。上匡扶而下邕穆。晉主以忠孝推功。除授河南節度使兼政事令。有弟彥崇。為內外馬步軍都指揮使。檢校太保。洎嗣晉失位。倏變天機。乍展雄威。俄昇大器。改號為乾祐元年。自是家易為國。魚變成龍。玉葉遐敷。金枝迴秀。三光朗耀。四海宴清。舜日高懸。堯風遠布。崇有數子。承贊承鈞。承錡承鎬。贊即公之父也。元日詔命。令坐徐州。至乾祐三年。高祖崩逝。少帝承翰才立。禍發蕭牆。逆臣郭威。僭行篡奪。徐州太子。冊

而又誅可謂日月無光乾坤失色崇坐河東爲北平王一聞之而大怒攘臂恨以發盟切齒爲讐誓當剪滅乃集貔貅萬隊士卒千羣振雷霆之威吐風雲之氣直欲生擒逆黨活捉奸訛其柰天數未時攻討莫下將謀大事須向天朝遣使結歡願爲子父時天授皇帝感其義焉遣使宣恩冊爲大漢神武皇帝至乾祐九年武帝崩逝次子承鈞旣立改號天會元年威摺三邊恩覃萬姓修德是務去佞爲懷陳大業於將來流廣澤於當代此卽公之叔也至天會六年遣公入國淹留七載質而未還後十二年秋帝染疾而逝爰有府主繼恩則鈞之長子也大帝臨終之日謂大丞相郭無爲等曰朕之崩後位付繼恩社稷紀綱勿令交紊爲等奉勅如日在懷帝乃昇霞臣扶長子卽公之堂兄也嗣位九五才滿三旬爲侯霸榮陰謀所滅次子大內都點檢繼元亦公之堂兄也運機謀策剪髮除妖荐位登朝重理綱政策爲大漢英武皇帝公前右金吾衛將軍金紫光祿大夫檢校司空上柱國我皇開睿澤令衣錦還鄉勅授竭忠匡運功臣保義軍節度陝虢等州觀察處置等使大漢國侍衛親軍馬步軍都指揮使特進檢校大尉同政

事門下平章事陝州大都督府長史上柱國彭城郡開國公食邑三千戶食實封三百戶。適至本國。未久之間。又加推功保祚功臣。開府儀同三司。檢校太師兼中書令。權代州防禦使。食邑五千戶。實封五百戶。旣蒙聖澤。統縮雄藩。百姓揚五袴之歌。三軍感單醪之惠。洎乎趙氏犯闕。力乏計窮。帝念生靈。甘當授首。公乃見機而變。守節而。駢聲振纓。來歸上國。郭氏夫人並二子。並皆阻隔。吾皇一見。撫念非常。愍其順國之忠。加以眞王之澤。勅授佐命功臣。北京留守河東節度管內觀察處置等使兼政事令太原尹上柱國彭城郡王知昭德軍節度事。食邑八千戶。食實封七百戶。兼以昭義軍節度使。檢校太傅耿紹紀長女以妻之。卽尙父秦王韓氏之甥也。方雪太原之恥。將興廣之基。重整戈鋌。芟夷奸孽。柰何曦霜難保。石火日銷。倏染膏肓。俄歸逝水。壽齡三十有二。帝罷朝而起嘆。□□以興悲。百姓聞之。如喪考妣。勅下宜霸二州。共營喪禮。其耿氏夫人。念以同牢。義重合昏。情深絲羅。□絕□□□琴瑟停歡於翡帳。兩兒阻隔。一女才生。金枝冀續於前朝。玉葉期芳於後代。恐以時遷歲遠。骨腐名消。□□□□□旌不朽。文

秀才非夢筆。學愧面牆。奉命援毫。乃爲銘曰。

天地大兮有成壞。□□□□□□□□。人至靈兮無定常。石至堅兮無恆在。既有身兮既有患。不無傷兮不無□。路樹□□□□□□。宿鳥暫聚而終散。武皇孫兮少皇子。朝北闕兮到於此。受國恩兮位至王。功未成兮身先死。國之讎兮未雪。殃魂之逝兮在他鄉。七帝相承何所問。三詣孤瘞塔山陽。

公長子醜哥

次子善哥

三年歲次辛巳十一月乙未朔十五日己酉記

拓本

張正嵩墓誌

趙衡

伏以文擇深水。記陵遷谷。變之期。字石幽泉。紀地久天長之事。生之限也。墮颺急景。爍電輕淪。死之約乎。碎珠拆玉。晞露風燈。感情而述矣。清河府君瑞。鳩傳裔靈。劍得學宰。晉相韓興。蜀霸漢德。源自遠良。派爰多善。不泯於春秋。事亦豐於典策。府君考諱諫南。瀛州河間縣人也。學備張車。才盈曹十。從泗師北。授士關西。校武則搏虎埋輪。不輸祖業。緒文則懷蛟夢鳳。無讓先賢。旋值我北朝大聖皇帝。初剏乾坤。才磨日月。變家爲國。

授軒籙以稱尊。取地爲疆。執黃圖而作帝。公以因隨折杖。俄逐揮鞭。遂步龍沙。皆歸鳳闕。時讓國皇帝在儲君。時攜筆從事。雖非拜傅。一若師焉。自後讓皇入漢。天授潛龍。公爲王府郎中。重元臣也。天授帝龍飛。公授密直學士。轉給事。除朔州順義軍節度使。檢校太保。到任後。甘雨隨軒。靈珠赴浦。民謠五袴。家給千箱。袁扇風清。瘦樓月朗。滋王澤也。增民事也。公蒞政。勤得替匪。敗政也。後以天順皇帝登大寶。公授左威衛上將軍。爲入班節度使。班首先塋夫人丁氏。有子四人焉。長曰正岌。爲通事舍人。舌辯如川。儀溫似玉。年過壯室。在職而殂。次子正巒。俱爲通事舍人。禮備執珪。儀全束帶。次子正嵩。爲朔州順義軍節院使。卽府君也。小子正峯。後塋夫人王氏子也。有女一。嫁西臺御史大夫鄭藉。府君生懼四知。長無二惑。令嚴訓子。禮厚睦親。娶博陵崔氏女。有子五人。長曰思睿。婚而不祿。次曰思恭。辯李有知。觀星得學。娶永利縣劉令女。有子二。小幼不書焉。次子思敬。幼而早亡。次二幼。韓七。韓八。女二。長適天水趙司空小男。一在室。府君榮限而終。歿期俄及。旣纏。豎禍曷免。甕端墮艷難留。輕淪自返。春秋四十有八。葬於霍山之

陽原禮也。既傷去箭，復悼藏舟。意而書之，謹爲銘曰：閱世閱川，繼生繼死。石火風燈，浮漚逝水。壽不永而皆傷，榮不長而可毀。誰謂府君道匪齊論，其來寧曉。其去也如□貞妻在室，賢子當門。針不斂于二豎，藥□奪于三魂。既失藏舟，難留去箭。死誰不傷，生誰不羨。祿定非改，善求可庶。已達幽關，又何悲戀。爲槨工石，穴山飭金。確乎不拔，線古貞今。己年子月，慶厚祥深。天長地久，永保徽音。

乾亨三年十一月八日記

拓本

募人穫奏

乾亨五年

韓德讓

兵後逋民棄業，禾稼棲畝。募人穫之，以半給穫者。

遼史五九食貨志

按百衲本遼史，穫作獲，給作拾，誤。茲從乾隆校本。

請復民租奏

乾亨五年

室昉

山西諸州給軍興，民力凋敝。田穀多躡於邊兵，請復今年租。

遼史五九食貨志

請停賜寺額奏

室昉

詔書悉罪無名寺院。今以主請賜額。不惟違前詔。恐此風愈熾。遼史七九本傳

[Faint, mostly illegible text in vertical columns, likely bleed-through from the reverse side of the page.]

遼文匯卷五

陳述校輯

星命總括自序

耶律純

大遼統和二年翰林學士耶律純以議地界事奉國書使於高麗遼東至其國頗聞國師精於星躔之學具重幣設威儀求見屢請不從一日自請於高麗國王曰臣奉國書來此稔聞國師富於道德星命之學願借玉音得遂一見以請所學何異昌黎之遇大顛也國王遂命一見既見之後往復數四前請曰微生跼伏北方聞國師深於星命之度今日天幸得瞻豪相願從師略聞一二以聳北方之學者亦是三生夙昔之幸不知可乎國師曰何不可之有但學士平生論學有何所得吾與學士從長商榷而已何以師爲曰膚學得於生剋制化之外亦有十條以前六條看根本後四條看流年其一曰太歲尊神加臨管攝其二曰無中有曜弱處高強其三曰得經失次細辨盈虛其四曰身傍母吉傍鬼者凶其五曰同宮千里異宮尺寸其六曰黨母福多藏鬼禍大其七曰元守雖詳流年尤急其八曰當生變曜流年變星其九曰限併諸煞貴祿不臨其十曰

流年諸星。無忽柔曜。此十條者。各有詳註。未審如何。國師曰。此十條之說。亦未矣。本之則無。今學士談星根本。以宮主爲重耶。度主爲重耶。曰。得於平昔之講明。以宮度兼論。不可用一而廢一也。國師笑曰。宮度兼論。吾恐子於星度。胸中不能自斷。何以斷人之禍福耶。且如命躔丑宮之牛度宮。土度金限行遇火。一生一剋。何以爲斷。又如命坐寅宮。尾火虎度木宮。限行遇水。一生一剋。何以爲斷。於禍福何憑。遂再進曰。願棄所學。而從師求教。師曰。吾嘗以近世談星者。言宮不知度。言度不知宮。二者胥失矣。吾於海上異人。授我以偏正之垣。於二十八宿之中。分之曰一太陽。五太陰。六木。六土。六水。二火。二金之說。學士曾聞之乎。曰未也。國師曰。人生於地。日月五行見於天。其生值此七曜之吉。則一生享福安榮。七曜之凶。前一生忙迫。百不如意。日月五星。其爲物也。於天地間最大。於天下萬物。曰主晝。月主夜。乃天之眼目也。在天有五星。在地有五行。人生在世。五者一日不可缺。觀星談命。苟不知此本根。則爲徒然。學宮度兼論之術。何以決人之禍福。故十二宮有偏正之垣。子宮以虛日鼠爲正垣。鼠乃子垣之宮神。非正垣而何。

也。丑宮斗金牛。寅宮尾火虎。卯宮房日兔。辰宮亢金龍。巳宮翼火蛇。午宮星日馬。未宮鬼金羊。申宮觜火猴。酉宮昴日雞。戌宮婁金狗。亥宮室火豬。皆本宮之正垣。此乃千古不易之論。此談星之大根本。不可盡知要妙哉。所謂一太陽者。太陽君象也。天無二日。民無二王。惟星日馬乃太陽之正垣。太陰者。后妃之象。后妃嬪衆多。宜太陰之有五也。故以鬼金羊爲太陰之正垣。其餘張心危畢月。皆偏垣之月也。六木者。寅宮尾火虎。亥宮室火豬。爲木正垣。其餘斗奎井角。皆偏垣之木也。六土者。子宮虛日。丑宮牛金。爲土正垣。其餘女氏胃柳。皆偏垣也。六水者。巳宮翼火。申宮觜火。爲水之正垣。其餘箕壁參軫水。皆偏垣也。二火者。卯宮房日。戌宮婁金。爲火之正垣。二金者。辰宮亢金。酉宮昴日。爲金之正垣。天地之間。水木土。隨遇而有。隨所居而可得。木滿山林。土滿寰宇。水滿江河。隨處皆有。至於金火。則不可多得焉。只有二火二金。使金火如木土水之多。則天下嘗有持刃縱火之患耳。豈不爲世道憂。吾有偏正垣七政論。并日月並明說。計八篇。又有二百字真經二十五題。詳於學士十條者。學士所舉十條。人常聞常知也。吾之諸論。

其金火人所未聞未知也。今以授子。子欲行之。當誓於天地鬼神。不可輕泄。此天機玄妙。吾得海上異人所傳。而未嘗泄。今子得吾之傳。若不寶而重之。必招譴於天。不可逃也。乃對師焚香設誓。三日後。國師遂以諸論八篇與夫二百字真經二十五題授之。百拜而寶之。大遼統和二年八月十三日耶律純自識。

附

星命總括三卷。耶律純撰。文淵閣書目作一卷。一冊。蓂竹堂書目作五冊。千頃堂書目作五卷。此書向無傳

本。清四庫館由永樂大典內輯出。始末完具。始流行焉。卷首有純自序一篇。稱大遼統和二年翰林學士耶

律純以議地界事奉國書使於高麗。遼東因得彼國國師傳授星躔之學云云。末署「統和二年八月十三

日自識」。四庫提要稱遼史本紀其年無遣使高麗事。又檢列傳無純名。謂殆亦出於依託。按遼立國三

百年。遼史列傳僅四十四卷。疏漏人所共知。耶律琮嘗寄知雄州孫全興書（見太平治迹統類）耶律劭

撰靈巖寺碑銘（見承德府志）二人之名皆無徵於列傳。豈得據爲贗品乎。遼史聖宗紀統和二年雖無

遣使之文。而次年七月八月載有命將東征。以遼澤沮洳。罷征高麗事。并見高麗外紀、外紀檢統和二年（甲

之文、提要已引。

甲宋雍熙元年。當高麗成宗三年。高麗史成宗三年。命刑官御事李謙宜城鴨綠江岸以爲關城。女真以兵過之。虜謙宜而去。軍潰不克城。次年乙酉。宋將伐契丹。收復燕薊。以我與契丹接壤。數爲所侵。遣韓國華賈詔來諭。……「可申戒師徒。迭相掎角。……同力盪平。……」王遷延不發兵。國華諭以威德。王

始許發兵西會國華乃還。先是契丹伐女真。路由我境。女真謂我導敵構禍。貢馬於宋。因誣纘。疑是高麗與契丹倚爲勢援。……」

疑是讀字

高麗與

契丹倚爲勢援。……」次年丙戌載。契丹遣厥烈來請和。今雖未得耶律純議界之記事。而統和二三年頃。契丹高麗間。確有疆界之事。是純之奉使。雖未見明文記載。亦有其可能之理也。四庫簡明日錄曰。『術數之書。凡稱古人名者。百無一真。純不知爲何許人。似尙實出其手。』是又認爲似非贋作。考李燾長編仁宗皇祐三年四月。『契丹國母遣忠順軍節度使左金吾衛將軍耶律純賀乾元節。』皇祐三年。當遼興宗重熙二十年。去聖宗統和二年。差六十七年之久。或爲二人同名乎。誌之存疑。

又按周春遼詩話稱純自序云。『源髓老人得之於元齋。元齋得之於海上異人。有高麗國師賦其步天警句。有云。『得富非難得壽難。壽星須把令星看。令星若是逢生旺。壽算巍巍等泰山。且說夫星是尅星。高強必是聘賢人。若居父母并兄弟。端的因親上致親。』』檢今四庫本星命總括序無此文。

王仁俊又以此段入文萃

疑好

事者所增益也。

答蕭撻凜書

耶律昭

竊聞治得其要。則仇敵爲一家。失其術。則部曲爲行路。夫西北諸部。每當農時。一夫爲
偵候。一夫治公田。二夫給糺官之役。大率四丁無一室處。芻牧之事。仰給妻孥。一遭寇
掠。貧窮立至。春夏賑恤。更多雜以糠粃。重以培克。不過數月。又復告困。且畜牧者。富國
之本。有司防其隱沒。聚之一所。不得各就水草便地。兼以逋亡戍卒。隨時補調。不習風
土。故日瘠月損。馴至耗竭。爲今之計。莫若振窮薄賦。給以牛種。使遂耕獲。置游兵以防
盜掠。頒俘獲。以助伏臘。散畜牧。以就便地。期以數年。富彊可望。然後練簡精兵。以備行
伍。何守之不固。何動而不克哉。然必去其難制者。則餘種自畏。若捨大而謀小。避強而
攻弱。非徒虛費財力。亦不足以威服其心。此二者利害之機。不可不察。昭聞古之名將
安邊立功。在德不在衆。故謝玄以八千破苻堅百萬。休哥以五隊敗曹彬十萬。良由恩
結士心。得其死力也。閤下膺非常之遇。專方面之寄。宜遠師古人。以就勲業。上觀乾象。

下盡人謀。察地形之險易。料敵勢之虛實。慮無遺策。利施後世矣。

卷一〇四本傳

按遼史食貨志上引此書內文句。非別有上書也。繆氏竟錄食貨志之文。近二百言。題耶律昭「上田制書」。

王氏又節取前四十二字。別題「農事奏」。實此四十二字中。僅有二十四字。爲引昭言。餘則食貨志文也。

寧得以卷軸之隘而濫收乎。

祐唐寺勅建講堂碑

統和五年

李仲宣

夫幽燕之分。列郡有四。薊門爲上。地方千里。籍冠百城。紅稻青秔。實魚鹽之沃壤。襟河控嶽。當旗鼓之奧區。於古堞之外。西北一舍。有盤山者。乃箕尾之巨鎮也。深維地軸。高闕天門。煥碧凝霄。寒青壓海。珠樓璇室。仰窅窅於崑邱。寶洞瓊臺。耀磅礴於恆嶽。崆峒左倚。太行右連。懷珠之水。派其陽。削玉之峯。峭其後。嶺上時興於瑞霧。谷中虛老於喬松。奇樹珍禽。異花靈草。絕頂有龍池焉。向旱歲而能興雷雨。巖下有潮井焉。依日暮而不虧盈縮。於名山之內。最處其佳。此境舊有五寺。祐唐者。乃備其一。自昔相傳。有尊者挈杖遠至。求植足之所。曾室東北隅。巖下有澄泉。恍惚之間。見千僧洗鉢。瞬息而泯。因

茲構精舍晏坐矣。厥後於谿谷澗石之面刻千佛之像。而以顯其殊勝也。雖雨漬苔斑。睠儀相而猶在。陽舒陰慘。流善譽而不墮。向此藍垣之北。長松之下。有大石焉。重萬餘鈞。或遇敬信者。微觸而動。迄今遊閱之士。冠蓋相望。四序不絕於阡陌也。當昔全盛之時。砌疊龍蟠。檐排鳳翅。晨鐘暮磬。上聞兜率。禪宗律學。宛是祇園。駢闐可類於清涼。赫奕遙同於白馬。乃法侶輻輳之鄉也。爰自大兵之後。竝已燼滅。由謂物不可以久廢。故享利於德人。德人者。卽寺主大德。乃當寺之景派也。厥本惟裔。其神不測。苦隨念盡。樂與人同。化六趣之茫然。歸十方之安隱。年臘未晚。行業彌高。旣多有續之聞。宜示無窮之績。寺主大德。俗姓琅邪氏。釋諱希悟。鎮陽夏博人也。爰自聚沙之歲。禮當寺寺主在。楚禪師授法焉。勦除五蓋。慕別四生。舍慾棹而誓汎慈舟。棄毒藥而願食甘果。年二十詣長興寺。具月羅由。啓宏願。延僧一十萬。次第竟矣。於是謂其友曰。聞二儀舒慘。四序推遷。人生幾何。歲不我與。覽斯基址。孰忍淒涼。野鹿羣麋。晝夜而草眠香徑。壞碑毀塔。高低而蔓挂藤蘿。玉毫消盡於華鬢。金磬罷聞於齋懺。上漏下溼。日就月將。徐興同造。

之心爰起從新之務。於是手披榛棘。力用經營。移怪石而截斷雲根。伐灌木而摧折煙色。應麻十二年。化求財費。蓋佛殿一座。爨爐娟妙。丹牖鮮新。塑佛中央。圖像四壁。保甯四年。又建廚庫僧堂二座。俾饜飴之有所作也。賓旅之有所歸也。乾亨二年。加授紫衣。載議門迎廣陌。地處幽涼。虞生肇之徒見臨。顧講讚之所交闕。乃於僧室之陰。疊磷磷之石。淪瑟瑟之泉。高廣數尋。駢羅萬樹。薙除沙礫。俯就基坳。而又請邑人醵緡聚賂。四遠之樂施者。如鱗介之歸巨海也。既乃市木雲嶠。采石煙巖。窮斤斧之功。極磨礱之妙。初心才啓。大廈攸成。式導昏衢。彌光世德。其堂也。保甯十年。勅建。帶雲川之渺渺。總遠岫之峨峨。東觀種玉之田。西揆築金之闕。蘭楹鏤彩。桂柱凝丹。月入秋窗。風含夏戶。檐外之杉松郁鬱。檻前之煙水潺湲。所貴安苾芻僧。置狻猊座。高談玉偈。然慧炬而絕煩惱。薪妙演金文。揮智刃而剖無明殼。長依佛座。永壓山門。對延靈岫之峯。闡說瑜珈之旨。此皆邑人等心猶慕善。志乃忘筌。知浮生石火。以難停。覺幻質風煙。而易滅。各抽淨施。共構良因。卽寺主希悟大德。激勸之所致也。緣惠之所被也。厥外并有甘泉。地多腴

壤間栽珍果。棊布蔬畦。清風起兮綠幹香。細雨霽兮紅葵茂。載諒鴻基。必葺白足咸來。其供給之費。恆不闕於祇贍者。大德寺主力辦也。蓋惟寺主大德。道洽空有。識洞幽冥。全資化導於多方。以至圓成於能事。所冀皇朝永安神業矣。相國長調鼎鼐矣。京尹之仁。無秕稗矣。郡牧之信。及竹童矣。一切含靈。同霑利樂。一切惑溺。並向真如。爰述懿徽。俾雕翠琰。其邑人姓氏。具列碑陰。仲宣靡職之歲。華構方成。命修辭以序之。序之伊何。卽爲銘而記之。銘曰。峭壯靈峯。剏興華宇。式開講肆。用陳法侶。物置人多。利圓三寶。庶幾乎作善之祥。傳名曠古。統和五年歲次丁亥四月八日。拓本。此文曾著於盤山志藥爐

作櫟榼。鱗介作甲介。雲嶠作靈嶠。靈岫作靈鷲。姓氏作姓號。又年臘上多亨字。行業上多昌字。

諫上擊鞠疏

統和七年

馬得臣

臣竊觀房玄齡杜如晦。隋季書生。向不遇太宗。安能爲一代名相。臣雖不才。陛下在東宮。幸列侍從。今又得侍聖讀。未有裨補聖明。陛下嘗問臣以貞觀開元之事。臣請略陳之。臣聞唐太宗侍太上皇宴罷。則挽輦至內殿。玄宗與兄弟。權飲盡家人禮。陛下嗣祖

考之祚躬侍太后可謂至孝臣更望定省之餘睦六親加愛敬則陛下親親之道比隆二帝矣臣又聞二帝耽玩經史數引公卿講學至於日昃故當時天下翕然嚮風以隆文治今陛下游心典籍分解章句臣願研究經理深造而篤行之二帝之治不難致矣臣又聞太宗射豕唐儉諫之玄宗臂鷹韓休言之二帝莫不樂從今陛下以毬馬爲樂

本紀作「臣伏見陛下所朝之暇、以擊毬爲樂、」

愚臣思之有不宜者三故不避斧鉞言之竊以君臣同戲不免分爭

君得臣愧彼負此喜一不宜

本紀作「臣思此事有三不宜、上下分朋、君臣爭勝、君得臣奪、君輸臣喜、一不宜也。」

躍馬揮杖縱橫馳騫不顧

上下之分爭先取勝失人臣禮二不宜

本紀作「往來交錯、前後遮約、心競起、禮容全廢、若食月杖誤拂天衣、臣既失儀、君又難責、二不宜也。」

輕萬

乘之尊圖一時之樂萬一有銜勒之失其如社稷太后何三不宜

本紀作「輕萬乘之貴、逐廣場之娛、地雖平至爲堅確、馬雖

長亦有驚駭、或因奔擊、失其控御、聖體甯無虧損、太后豈不驚懼、三不宜也、」

儻陛下不以臣言爲迂少賜省覽

本紀作「臣望陛下念繼承之重、止危險之戲、」

天下

之福羣臣之願也遼史八〇本傳

韓瑜墓誌銘

統和九年

郝雲

夫高門襲慶列爵疏封雄飛資廟食之文鹿鳴叶朝譙之雅若乃真先王之冑緒大建

侯之勳庸。繼世聯芳。載書備簡。韓之先。與周姓武王封於韓。原號韓武子。後與趙魏滅
范。貞子遷之平陽。安王始爲六國。自韓之後。因生賜姓。族氏不遷。本大則枝出。惟繁源
濬則流長。靡竭。拜前封後。從昔至今。宗躅彌昌。豐謀盡紀。近代則起家於燕壤。仕祿於
遼庭焉。曾祖爲大司馬。英氣拔倫。風襟特秀。討惡助中鄉之典。若疇遵祈父之詩。王父
諱知古。臨潢府留守。守尙書左僕射兼政事令。始逢昌運。兼綰重權。如蕭何獨守於留
司。孔光不言於溫省。列考燕京。統軍使天雄軍節度管內處置等使。開府儀同三司。檢
校太師兼政事令。鄴王石麟稟異。風虎騰祥。文武敵萬人之英。將相備累朝之傑。三分
上爵。一字眞封。忠貞則元后腹心。仁惠則黔黎膏沐。公諱瑜。字 卽鄴王夫人蘭陵氏
之長子也。生而魁偉。幼有端良。雅好大謀。卓聞奇節。趨庭就傅。學詩禮以檢身。筮仕勤
王。便騎射而成性。應曆中。初補天雄軍衙內都指揮使。尋詔赴闕。授銀青崇祿大夫。檢
校工部尙書右金吾衛將軍兼御史大夫上柱國。行止可度。必以廉能。夙夜在公。曾非
曠怠。景宗皇帝紹位之始。命選禁衛。端求蓋臣。以公壯志不羣。良圖可用。授控鶴都指

揮使絳州防禦使檢校司空尋授金紫崇祿大夫檢校太保左羽林軍大將軍紫庭奉
職耀簪紱以輸忠紅旆禦戎森戈矛而稱略遷授客省使袵膺載勳循牆益恭朝廷嘉
之改授內客省使檢校太傅守儒州刺史仁化洽於六條□政聲隆於雙闕自任復詔
充內客省使崇祿大夫檢校太傅兼御史大夫上柱國昌黎郡開國侯食邑一千戶食
實封一百戶遇聖明之化當要重之榮束帶立朝有儀可效對揚休命發言盈庭洎統
和間以太階未平渠魁作孽曾未犯境涿易屯兇及賊師既潰詔公權涿州刺史實謂
當難安之秋得惠和之牧次年昭聖皇帝哀燕民之若子忿趙氏以如師北率天兵南
行國討仍觀敵寇據彼長城築壘猶堅橫戈甚衆公方當扈從切在剪除以奪人爲先
謀以亡軀爲盡瘁因俯營擒狡釋鎧傅宣攻長城□俄爲流矢中首然雖抱楚尙更摧
鋒金瘡尋發於朝昏委命幾臨於泉壤承天皇帝太后愈憐忠赤愛之如母子之慈皇帝
復念舊勳痛乎竭君臣之義疊頒醫詔親視殞傷嗚呼樂盡悲來福盈禍搆賢愚並歎
今昔寧逃以統和五年十一月十日薨於行次享年四十有二尋載靈柩而歸權厝於

霸州之私第。皇上以階爵未峻。贈贈有加。殊錫恩輝。載超倫等。追贈太尉。所以旌忠孝也。國朝深諭吉地。允澤通年。鄴王夫人。方承天睠。深被國恩。足以崇骨肉之親。篤家門之孝。率諸昆季。具窆如初。以統和九年。歲次辛卯十月丙寅朔八日癸酉。改葬於霸州之西青山之陽。禮也。始娶夫人蕭氏。先亡。令耐於此。夫人生九男三女。長男曰越。孫早亡。次阿骨兒。亦亡。次駭里鉢。亦亡。次寶神奴。亦亡。次福孫。亦亡。次栲栳。亦亡。次三哥。年幼。次四哥。亦亡。次高神奴。亦亡。長女楊佛喜。早亡。次羅漢女。次堰彌吉。俱在室。尙幼。繼室夫人蕭氏。誠歎未亡。禮無再嫁。公英雄授爵。膽氣過人。高貴相承。交遊不雜。宜乎萃讜言而到壽。弘茂績以流芳。奈何過隙興嗟。臨川告逝。必使松楸間植。表滋龜兆之占。陵谷縱遷。尙固牛眠之異。俾營豐樹。用刊貞珉。其詞曰。

公之高貴。繼世聯芳。挺生魁偉。克蘊端良。禮樂是悅。騎射斯彰。歷官禁

省。効節疆場。揮戈深入。流矢橫傷。魂飛戰壘。骨歸故鄉。皇情哀痛。宣

贈彌光。事君事父。忠孝備昌。萬載千秋。芳聲不亡。

右文據日本滿鐵調查部滿洲金石誌錄碑現存朝陽縣公署篆蓋『故昌黎韓公墓誌之銘』九字三行文

前題『故內客省檢校太傅贈太尉昌黎郡韓公墓誌銘并序』日本園田一龜著朝陽縣出土韓公墓誌

銘考據此誌與韓櫛墓誌(卷六頁三)補遼史之漏并正遼史韓櫛作『韓簡』之訛為製韓氏世系表別附於後

按宋朝類苑七七引乘軺錄『虜舊有韓統軍者德讓從弟也取蕭后姊封齊妃韓勇悍多變詐虜之寇我

澶淵也韓為先鋒指麾於城外我師以巨弩射之中腦而斃虜喪之如失手足自是虜無將帥遂以(蕭)寧

統之年五十勇略不及韓虜咸憂焉虜政虐苛幽薊苦之……加以耶律蕭韓三姓恣橫歲求良家子以為

妻妾幽薊之女有姿質者父母不令施粉白弊衣而藏之比嫁不與親族相往來』韓統軍即韓瑜也又可

與本誌相參證者。

韓氏世系表

諫濫刑統和十年

耶律阿沒里

夫兄弟雖曰同胞。賦性各異。一行逆謀。雖不與知。輒坐以法。是刑及無罪也。自今雖同

居兄弟。不知情者免連坐。遼史七九本傳。

按免連坐句上似有脫文。或自自今以下為約節之文。

致高麗書統和十一年

蕭遜寧

大朝統一四方。其未歸附。期於掃蕩。速致降款。毋涉淹留。高麗史九四、徐熙傳。

再致高麗書統和十一年

蕭遜寧

八十萬兵至矣。若不出江而降。當須殄滅。君臣宜速降軍前。高麗史九四、徐熙傳。

致高麗書統和十二年

蕭遜寧

近奉宣命。但以彼國信好早通。境土相接。雖以小事大。固有規儀。而原始要終。須存悠久。若不設於預備。慮中阻於使人。遂與彼國商議。使於要衝路陌。創築城池者。尋准宣命。自便斟酌。擬於鴨江西創築五城。取三月初。擬到築城處。下手修築。伏請大王預先

指揮從安北府至鴨江東計二百八十里。踴行穩便田地酌量地里遠近并令築城發遣役夫同時下手其合築城數早與回報所貴交通車馬長開貢覲之途永奉朝廷自協安康之計。東國通鑑。

乞還四番部詳穩表

耶律瑤質

臣先朝舊臣今既垂老乞還新命覲得常侍左右。遼史八八、本傳。

馬令欽等造塔記統和十四年

上 遭時移代革之□□□□□□□□□□輕滅其主馬令欽傷茲聖像□□□□以極多愍

以靈基見瞻承而甚少前歲也已興一念之誠今日乎遂報再修之願爰有供養主志閑妙教名播空門逢片善以必修完無一物而不矜恤觀茲墮廢念在建遷次則衆信共謀多仁特佑移故基而戮力營新止以同心於此精藍致安靈塔自茲供養者或名香妙花歸依者或掃塔塗地令衆生息輪迴於六趣獲消滅於三塗量再建之殊因幸

書言之不盡統和十四年歲次丙申三月辛丑朔十八日戊午丙時建。拓本。

龍龕手鑑序

沙門智光

夫聲明著論。迺印度之宏綱。觀跡成書。寔支那之令躅。印度則始標天語。厥號梵文。載彼貫線之花。綴以多羅之葉。開之以字緣字界。分之以男聲女聲。支那則創自軒轅。制於沮誦。代結繩於既往。成進牘以相沿。辯之以會意象形。審之以指事轉注。洎乎史籀。變古文爲大篆。程邈變小篆爲隸書。蔡邕刊定於石經。束皙網羅於竹簡。九流競鶩。若百谷之朝宗。七略遐分。比衆星之拱極。尋源討本。備載於埤蒼廣蒼。叶律諧鍾。咸究於韻英韻譜。專門則字統說文。開牖則方言國語。字學於是乎昭矣。矧復釋氏之教。演於印度。譯布支那。轉梵從唐。雖匪差於性相。披教悟理。而必正於名言。名言不正。則性相之義差。性相之義差。則修斷之路阻矣。故祇園高士。探學海洪源。準的先儒。導引後進。揮以寶燭。啟以隨函。郭逖但顯於人名。香嚴惟標於寺號。流傳歲久。鈔寫時訛。寡聞則莫曉是非。博古則徒懷惋歎。不逢敏達。孰爲編修。有行均上人。字廣濟。俗姓于氏。派演青齊。雲飛燕晉。善於音韻。閑於字書。觀香嚴之不精。寫金河而載緝。九仞功績。五變炎

涼具辯宮商。細分喉齒。計二萬六千四百三十餘字。注一十六萬三千一百七十餘字。并注惣有一十八萬九千六百一十餘字。無勞避席。坐奉師資。詎假擔簦。立祛疑滯。沙門智光。利非切玉。分忝斷金。辱彼告成。見命序引。推讓而寧。容閣筆。俛仰而強。爲抽毫。矧以新音。徧於龍龕。猶手持於鸞鏡。形容斯鑒。妍醜是分。故目之曰龍龕手鑑。惣四卷。以平上去入爲次。隨部復用四聲列之。又撰五音圖式。附於後。庶力省功倍。垂益於無窮者矣。時統和十五年七月一日癸亥序。龍龕年鑑。

重修雲居寺碑記

統和二
十三年

沙智
光

中邱庭境。僑薩羅國西南三百餘里。至黑萃山寺。引正王爲龍猛菩薩。鑿疏山石。建立伽藍。以釋迦佛所宣教法。及諸菩薩所演述論。鳩集部別。藏在其中。期之永固。待至慈氏。東方震旦。燕城西南十餘維那。至雲居寺。按范陽圖經。智泉寺僧靜琬。見白帶山有石室。遂發心書十二部經。刊石爲碑。在唐臨冥報記。隋大業中。沙門智苑造石經。藏以備法滅。煬帝幸涿郡。內史侍郎蕭瑀。皇后弟也。以事白后。后施絹千匹及餘錢物。瑀亦

施絹五百匹。朝臣聞之，爭共捨施，故菴得遂其功。皇朝應曆十四載，寺主苾芻謙諷，完葺一寺，結邑千人，請右補闕瑯琊王公正作碑，其文稱最。或傳於竹帛，或記於肺腑，成誦在口者亦衆矣。頃因兵火，遂致傷缺，補闕子諸行宮都署判官都官員外郎賜紫金魚袋教念先人遺跡，出俸錢再修。王公與□主無礙大師爲心照神□教以釋智光，乃考之執友資也。故命述重刊勒之事。時睿德神略應運啟化皇太后，至德廣孝昭聖皇帝之二十三年，統和乙巳歲八月丁丑朔十一日丁亥記。拓本。

查禮懋題上方二山記遊集曰：『雲居寺左蔬圃中，得遼統和乙巳王正碑，正邑人，日下舊聞載正文而不言爲邑人。』畿輔通志金石略四曰：『修雲居寺碑有二，一在碑陽，卽王正撰鄭熙書者，乃應曆十四年所刻，一在碑陰，乃統和乙巳僧智光刻。查禮遊記誤二爲一，故以碑陽題名與碑陰紀年連比錄入。樊彬承查氏之訛，又據諸家所載，遂誤二爲三，故一收於應曆十四年，再收於統和乙巳，而中間又有智光碑刻，皆非也。樊說誤正爲政，乃傳寫之誤。』朱彝尊曝書亭集五一有遼雲居寺二碑跋，附錄於次。

右王正智光雲居寺二記，共勒一碑，碑額篆書『重修雲居寺一千人邑會之碑』，一稱『結一千人之社』。

一千人之心。』一稱『完葺一寺，結邑千人。』近年京城發地，得仙露寺石函記，後有『千人邑』三字，尼曰『邑頭尼』。覽者疑是地名，合此碑觀之，則知千人邑者，社會之名爾。天順皇帝者，遼穆宗尊號，丞相秦王者，重元爲南京留守也。遼史聖宗初卽位，羣臣上尊號曰昭聖皇帝，統和元年六月，上尊號曰天輔皇帝，五年四月，上尊號曰至德廣孝昭聖天輔皇帝，二十四年十月，上尊號曰至德廣孝昭聖天輔皇帝，今碑建于二十三年，尊號無『天輔』字，是則二十四年十月以前，聖宗尊號，但云至德廣孝昭聖皇帝，如碑所記，至二十四年，乃合元年尊號『天輔』字以稱之，否則二十四年所上之號，與五年無異，何用羣臣復上乎，竊疑史有誤也。

特建尊勝陀羅尼幢記

統和十八年

李翊

伏聞護明下降，爰欲度於四生，調御出興，遂震搖於六種，恆施慈念，廣運悲心，示方便於三乘，發弘誓於四願，教之惠施，作苦海之津梁，化以歸依，指迷途之徑路，比爲常弘釋梵，永濟人天，遷神忽現於緣周，示跡故留於遺法，遂有封秩於堂殿，或乃刊勒於碑幢，諷之者福不唐捐，誦之者功超遠劫，若乃輕埃霑處，微影覆時，非惟獲果於未來，兼

亦除殃於過去者。莫若佛頂尊勝陀羅尼矣。翊爰從稚齒。幸忝趨庭。才逾辯李之年。旋稟學詩之訓。遂乃自強不息。溫故知新。礪鋌刃而不愧雕蟲。望金科而將期中鵠。豈爲禍從天降。運與願違。立身才始於弱冠。倏爾俄鍾於何怙。邇後董幃孫閣。悉捐子夏之書。日往月來。但泣高柴之血。其奈世同石火。時若電光。傷嗟未復於舛骸。荏苒旋逾於終制。遂乃捫心靜算。滌慮沈思。深慚於聖代甘閑。又恥於明時虛度。是以編聯陋唱。採綴蕪詞。相庭始叙於行藏。侯府驟昇於蓮幕。粉幃蘭省。數年而幸忝優遊。典郡倅戎。兩鎮而謬經履歷。至若貳留三使。仗鉞擁旌。蓋嚴訓之所致也。今於墳所建斯幢者。奉爲薦考妣之亡靈也。亡考長官世襲簪裙。性惟清慎。守謙恭則無爽五常。蘊敏惠則洞閑三教。爰因筮仕。著功勤而早遂利名。不顧字人。歎徒勞而歸終里社。亡妣夫人。浮陽茂族。鄒魯名家。稟親教而洞曉婦儀。承閨訓而妙熟女史。加以瑰姿態逸。從夫之淑慎。遐彰儀靜體閑。守德之功容備著。豈謂因纏微恙。莫駐盛顏。畏日煦而花露俄零。悲風扇而香魂忽散。翊念茲永訣。痛切追思。早年雖備於送終。繼日徒嗟於不迨。是以特抽淨

俸用構良緣。市翠琰於靈巖。命奇工於帝里。罄之巧思。運彼殊材。次皓鶴以翔空。列狡
狎而繞座。匪圖壯麗。悉去繁花。惟仗聖言。以資冥魄。雲盤雨泛。如聞甘露之香。寶鐸風
搖。似聽苦空之韻。多多盛事。一一難宣。靡託高材。貴形實錄。伏願驚禽駭獸。依聖影以
獲安。孝子順孫。薦幽靈而勿替。時統和十八年歲次庚子四月戊申朔七日甲寅丙時
建。拓本。

按幢爲李翊爲亡考妣所建者。記亦當出於翊手。可於文內見之。惟署名「大同軍節度管內觀察處置使

金紫崇祿大夫檢校太保使持節雲州諸軍事雲州刺史兼御史大夫上柱國隴西縣開國男食邑三百戶

李翊弟將侍郎守祕書省校書郎懿。『涼畿金石考』竟作李懿撰。非也。

盤山甘泉寺新創淨光佛塔記

統和二
十三年

□庭用

伏以聚沙爲塔。尙獲入聖之殊因。捨金買園。自感生天之妙果。三乘備載。十號明宣。今
乃歲值安康。人皆豐足。重空門者霧集。慕釋典者雲屯。欲構良因。特於勝地。伏遇我承
天皇太后恩霑萬彙。德被兩朝。致率土以虞。□實含靈而有賴。况我昭聖皇帝。垂衣而

御宇宙握鏡以統鈴黎。乃見邇肅之遠安。是致塗歌之里詠。我大元帥梁國大王機宣
虎帳力贊龍圖。遐方畏威。生民懷惠。况州主司徒。牧民廉潔。作國忠貞。早揚去獸之謠。
復著還珠之美。本縣侍御。才高吐鳳。詞逸懷蛟。此時屈帶於銅章。異日已達於金闕。維
那薊州司馬張彥瓊等。興國軍節度巡官李玉。道心堅固。服事修崇。於漁陽之封。在甘
泉之寺。創無垢淨光佛舍利塔也。非因舊址。特立新規。事既辦於衆心。功乃成於不日。
上侵圓蓋。視日月以相連。下鎮方隅。得天龍之擁護。瞻禮者罪滅。敬仰者福生。庭用學
靡盈車。才非滿□。鄒魯之風慕□。燕趙之奇蔑聞。見託既頻。退辭不獲。庶使陵遷谷變。
紀盛事以□遺。地久天長。在貞珉而永錄。邑衆同修上善。並刊芳名。統和二十三年歲
次乙巳十月丙子朔二日丁丑記。拓本。

岳州刺史王隣墓誌

并序統和廿四年

誌者。形於言而侔於法。觀其行而立其規。規矩可以播徽猷。而揚威烈。徽故事而著英
聲。若以課虛焉。能務實。匪銘匪石。無以彰不□之談。乃質乃文。可以叙莫窮之紀。承其

大體敢搆荒辭。陳三代之嘉名。垂千年之人範。其先太原瑯琊國王之太子晉之後。祖任儒州刺史。烈考大郎君諱繼溫。不仕。娶北平氏。次弟諱繼。授銀青崇祿大夫。檢校尙書左僕射。娶彭城氏。公昆季五人。長兄諱顥。不仕。次弟諱隣。字德潤。軋亨二年授東班少府。銀青崇祿大夫。兼監察御史武騎尉。以統和三年授銀青崇祿大夫。使持節降聖州諸軍事。行降聖州刺史。兼監察御史武騎尉。次統和十四年授銀青崇祿大夫。檢校國子祭酒。使持節。崑州諸軍事。崑州刺史。兼監察御史武騎尉。次統和十八年授蔚州錢帛都監。次統和二十一年授上京都商稅院都監。次弟諱操。武定軍山河指揮使。次弟諱政。統和五年授右番殿直。次統和九年授西頭供奉官。銀青崇祿大夫。兼監察御史武騎尉。次統和十年授銀青崇祿大夫。檢校國子祭酒。行閣門通事舍人。兼監察御史武騎尉。次弟俊。聖軍衙內都指揮使。長兄娶隴西氏。次娶清河氏。次娶弘農氏。次娶彭城氏。次娶天水氏。兒姪守密。供奉班祇候。次守琢。興國軍衙內都指揮使。次守。軍山河指揮使。次守元。供奉班祇候。次守。次守寧。次守敖。次守嚴。次守敬。次

守順次□佛留次通兒次□十公以金玉之才應風雲之會□勤二聖□□兩朝陪鶩
驚而寒暑無移□變輿而夙夜匪懈資忠應信直懷柔經任使以事公歷□馳而守□
謀合神勝妙簡帝心或征討以獲功或□宣而詞道□□拒使□專城布政□□
疲民之母父扶危寧亂爲聖主之股肱甘雨隨軒仁風遠□承美替又降仁恩授以
藍□選茲清慎□而□□□□納稅□而無黨無以□述□□公私得濟致時殷
而俗阜感仁洽以義□未許幹勤忽縈疾□數□良□莫遇秦醫仰天道以難論歎人
生之到此公享年六十有二以統和二十一年一月十二日薨□□□□以□年十月
三日葬之禮也又以統和二十四年十一月一日卜其吉兆加以玄堂日往月來窆□
□□□天長地久難追□岱之魂□等方命下卜□成拙□謹爲銘曰

挺生隨氣 命世英才 相時而動 應運而來 兩居郡守 生平□□ 仁□既

□□□□ 授皇恩 兩臨重務 清振□玄 □□寰宇 忽隨夜舟 逝

水同流 牛服兮符吉兆 掩玄堂兮千秋

統和二十四年十一月一日敬記。拓本。參滿洲金石志

王說墓誌銘并序統和廿六年

寧王府□官□□撰

公以□□為人潔清純為國□□□□□□□□□□鈴神授才略天然踵二八臣

契半□運鷹揚其勢虛變其姿生佐聖主聞□□明朝□終事既影□□公□□形往

名留非玉牒金版可紀影沈譽振非鱗門貞珉可書刊錄斯深古今不朽公諱說字夢

徵其先太原瑯琊國□王太子之後也林六□□天地人一貫三為王天下□往祖諱

納爰因大聖皇帝攻□天下宅心向化迴□歸盟一見□□國風□□授守吏部尙

書門下侍郎次純和守正佐理公臣宣徽使特進檢校太傅開國侯食邑一千戶夫人

□氏生三子長諱崇□不仕次崇信授東頭供奉官次遼西州刺史夫人石氏生二子

長□□不仕次□□授□□□□□□□□崇□日生□□儒□兩州刺史夫

人崔氏生八子長希憫不仕次公□□□□□□□□國□□□□□□□□

明黜惡東官□賢霑雨露恩應雲龍會授西頭供奉官克勤扈蹕□節從鑿授初階次

以□使檢校國子祭酒加檢校□□賓客掌御堯宸遊無失從禽□獵□次軍駕庫使
弧矢既精戈于□引次翰林茶酒使主司九□□奉□一人次□□墳都部署加金
紫檢校司空上柱國靡怠修營置全墳邑授亳州防禦使檢校司徒知□州刺史□削
銀青授金紫平水□□山河次上京副留守政肅刑清民殷俗阜次奉先軍節度使檢
校大保行顯州刺史上柱國瑯琊縣開國男食邑三百戶□□馬擁雙旌奉宣統制
兵夫展拓疆界次積慶宮□兒渤海都部署□□□□日□□於宮務奉□□□
宣同監國政權宣徽及五宮院事燕京管內商稅都點檢爲樞□□酬出□□□
□夫檢校太尉□□□以兩國通和萬方歸一尙□□□授忠勤奉主功
臣寧江軍節度使□州刺史瑯琊郡開國侯食邑一千戶加四字而□□□□
□□□□□□□□□□宣爲桓築都部署宣差中京大內□□□□
居國內節□□□掌□皆在指呼次弟希隆□頭供奉官相次轉至涿州刺史上柱國
瑯琊郡開國男食邑三百戶次弟希藹不仕次希□右番殿直授西頭供奉官儀鑾副

使次弟希奔不仕。次弟希濤授左番殿直。次弟希□。權閤門舍人公是供遙達彼皇都。營築勞神。板圖任重。加授戶部使。掌戶籍轄□。夫大內既成□□已就。功名未顯。疾病俄縈。空伏枕以纏□□□。羸悴聖上。賜良藥。宣名醫。仰天道以□窮歎人生之到此。貞魂忽散□。聖帝之股肱□□□□。疲民之父母。去統和二十五年七月三日壬□時薨於中京□□。享年五十□七。次遷神柩於建州北私宅。以當年十月七日庚時焚殯之禮也□□□。炤芝蘭之香□□□□。逐清風金玉之質歸天上。聖上顧以勳臣。特加賻贈。檢校太師。明天降命泉路□□。取統和二十六年八月二十日戊申□□□。赴良辰謀大葬。卜窀穸。鑿高岡。鸞集啣泥。鳥來下淚。玄扃朗見對松□□。以□□於掩□□。慘□□之□□□□。濟陽郡夫人蔡氏。蓋承夫貴。特授□。恩賜霞帔冠□□□。貞□□質温恭。可□□□□□□□□。縣生八子。長元則。新婦□氏。特授□。命俄丁父憂。次元濟。早亡。次□□□□□□□□。氏。次元坤。新婦崔氏。次元憲。次元鼎。次元亨。次元□。男等悲纏□。內痛貫九迴。欲尋□□之靈。何年得見□□□□□□□□。之歎□。日徒傷孝

子泣血伸誠末士則含酸運思追□□之景行□在世之休聲不棄小才用□□德操
□□□□□□□□流而謹爲銘曰。

偉哉賢良。來輔聖□。□□資廕。蒞事朝堂。自供奉班。授諸□□。郡著公

方。克懷忠赤。修皇子□。副□漢尹。折獄能□。共軒是誰。帝輦俄遷。雄

藩是守。義感羣心。德傳衆口。貴封五等。首冠六宮。金輝玉潤。仁洽道豐。

建都構廈。竭力輸勤。基成事立。世泰時殷。將顯元功。忽纏痼疾。雖賜

靈丹。難痊英質。忍辭明代。恨泛夜舟。蒿里風慘。玄堂月秋。神姿忽掩在

高墳。萬載千齡愈不□。

統和二十六年歲次戊申八月己丑朔二十日戊申匠人劉全進

太平七年歲次丁卯正月戊寅朔十七日甲午濟陽郡夫人蔡氏薨於顯州之私第是

歲四月辛未朔二十日甲午申時祔葬先太師之北□禮也。
拓本。參滿洲金石志。拓本文前題「故檢校太師瑯琊公墓誌銘。」

諫伐高麗疏統和二
十八年

蕭廸里

國家連年征討。士卒抗敵。況陛下在諒陰。年穀不登。創痍未復。島夷小國。城壘完固。勝不爲武。萬一失利。恐貽後悔。不如遣一介之使。往問其故。彼若伏罪則已。不然。俟服除

歲豐。舉兵未晚。遼史八八本傳。

耶律化哥將罷兵上書。開泰二年

耶律世良

化哥以爲無事而還。不思師老糧乏。敵人己去。焉能久守。若益兵可克也。遼史九四本傳。

佛頂尊勝陀羅尼石幢記。開泰二年

王桂

奉爲神贊。天輔皇帝。齊天彰德皇后萬歲。親王公主千秋。文武百僚。恆居祿位。風調雨順。海晏河清。一切有情。同霑利樂。長寧軍節度掌書記儒林郎試大理評事武騎尉王

桂撰。承德府志四八。

按府志稱「石存白川州故城內。遼開泰二年建幢記後銜名」長寧軍節度管內觀察處置等使金紫崇

祿大夫檢校太傅使持節白川州諸軍事白川州刺史兼御史大夫上柱國。以下俱闕銀青崇祿大夫兼監察御

史武騎尉商稅麴務都監王元泰。銀青崇祿大夫兼監察御史武騎尉同監麴務張翼。三司押衙麴務判官

兼知商稅事翟可行、銀青崇祿大夫檢校工部尚書兼御史大夫上柱國崔展、儒林郎試大理寺評事守白川州咸康縣令武騎尉王□、銀青崇祿大夫檢校左散騎常侍兼殿中侍御史饒騎尉江濤、觀察判官儒林郎試大理司直雲騎尉賜緋魚袋田能成□□□□□□內觀察處置等使金紫崇祿大夫檢校太傅使持節白川諸軍事白川州刺史兼御史大夫上柱國鉅鹿縣開國子食邑五百戶耿延闕、皆官此土者也、左方同列名者、則有寺主僧義超、都維那僧義訓、其末行云、石作院使王德辛鑣字、考遼史地理志白川州、統和中屬文忠王府統縣三、弘理、咸康、宜民、弘理、宜民皆明著於統和年、置惟咸康獨闕、據此知置咸康縣、最遲亦必在開泰二年以前、石作院、不見於百官志、亦可補史闕也、

創建無垢淨光舍利塔記

開泰八年

丘和照

粵惟釋迦氏之教、例分於八陁羅尼之藏、名□其七實謂理臺臺而文彬彬玄奧、貫於羣宗、□□□□□□□□□□禪□超於諸力或稱之□間□□□□□□□□也誠與□□□□□□□□比乎明呪之功□持之德延萍行子七朝之命脫善住天五相之乖、不有其能、孰可致此、今無垢淨光陁羅尼經者、自大唐天冊金輪皇帝萬歲元年、天竺三藏

□□羅國沙門□聲譯布中夏焉。其或依言稟奉□□修崇拋五趣之綸。二□六天之
 快樂。有功德主沙門□□薊門人也。識□高遠。行解淹通。杖錫而來。住持於此。遇前宰
 公文林郎試大理評事□天成縣令武騎尉劉□□官於茲邑也。德樹芳以廕人。學也
 清而鑒物。乃從異日。冀啟願心。□謂諸英□□聖王恩在人倫。數若不豎於朦幢。卽建
 於靈塔。欲使衆生□種種□命□宰公□行可□直言成軌□□在□諸維那等推郎
 匠採貞珉誓□一心終當勸力。未見成山之□□□□□□□□□□□□□□□□天
 成縣令武騎尉牛□□官於□□□□□□□□□□□□□□□□桐而化俗□哉若是□
 集於斯宜將□固之基立在□□□□□□□□□□□□□□□□時□□不□成□□□□玉屑飛彩筆結
 來銀□布嵬嶽□□□映紅日之□□聳凌空□□清風之韻□幾乎憇其塔影傳
 其塔名□重殃而功不唐□□□□□□□□□□□□□□□□□□□□□□□□□□□□玉潤唯增
 □喜用紀遠長。時開泰八年。(下缺)拓本。

張琪墓誌銘 太平四年

楊 佶

府君諱琪。字伯玉。張之爲姓也。自春秋歷秦漢。賢者間出。代不乏人。官闕婚媾。已具先大卿之墓銘。此不復書。府君卽大卿之仲子。樞密使左丞相兼政事令。國公監修國史。儉之季父也。府君娶二夫人。前夫人宋氏。故靈丘縣令允之女。再娶夫人尹氏。故縉山縣令守奇之女。府君有子二人。卽夫人尹氏所出。並應鄉貢。方舉。苗而不。有女一人。夫人宋氏所出。適長清縣令程憲。府君承資廕。授幽都府文學。歷容城。文德。永興。薊北縣主簿。平州錄事參軍。幽都府倉曹參軍。龍門文德縣令。僅三十年。八轉官。而五遷階。其次也如此。居易知命。無鬱鬱之志。其宰文德也。烹鮮不撓。操刀割。戴星視其事。錯節表其利。職勞斯積。風恙俄遘。及瓜而代。溘先朝露。以統和三十年七月九日。易簣於燕京之私第。享年六十有一。龜策未兆。權厝之。以太平四年九月十八日。葬於幽都府。都縣禮賢鄉北彭里之先塋。前夫人祔焉。禮也。府君體貌魁偉。談論清簡。履古人行。爲君子儒。克家揚肯構之聲。從官著能官之譽。天不憖遺。年有不永。所不至者。命所不留者時。哀哉。夫人尹氏。悼極天窮。慟深晝哭。祭如在。而禮敬不匱。子繼天而葬。

事未備。丞相令公位崇金鉉。望峻黑幡。忠貞奉其君親。孝弟稱乎鄉黨。爰事窀穸。殆畢封樹。俾撫行實。將示來裔。佶承命且慄。直書無愧。謹爲銘曰。

慶傳世德。實毓卿門。溫敏其行。博雅其文。析薪無□。孝道斯存。盤根有

利。公譽攸聞。良金方躍。美玉俄焚。逝川閱水。落葉歸根。牛眠霧慘。鶴

吊煙昏。巖巖靈表。嗚呼。張府君之墳。

拓本。

廣濟寺佛殿記

太平五年

宋 璋

夫聞弘高威德。運大神通。金剛座中。果結菩提之樹。靈鷲山上。經宣菡萏之花。顯中印以爲師。應東方之現相者。我世尊之啟洪聖也。是以明帝夢從於漢室。佛寶初光。熒公取至於唐時。法輪漸轉。故自三千界神化之後。五百年象教已來。通覺路於羣方。闢空門於歷代。引寬定水。舒廣慈雲。粵有僧弘演。武清井邑生身。發蒙通遠。文殊閣院落髮。離俗歸真。幼尙忍草流芳。長惟戒珠護淨。竭摠持之力。振拔沈淪。弘方便之機。贊裨調御。屬以新倉重鎮。舊邑多人。悉謂響風。咸云渴德。載勤三請。深契四弘。此則振錫爰來。

靈辭越里。彼則布金有待。永奉開基。因適願以經營。遂立誠而興建。矧於此也。南披拂鏡水。祕寶瑩珠。北負畫屏山。潛珉輝玉。鳳城西控。日迎碣館之賓。鼉海東鄰。時輯靈槎之客。而復枕權酤之劇務。面交易之通衢。雲屯四境之行商。霧集百城之常貨。嗷嗷冒雨。擾擾蒙塵。是宜近彼人稠。增完永固。所貴多依佛住。弘濟無疆。然得富庶傾心。溢袖盈襟。奉財施之如林。賓寮率已。連鑣繼軌。賚俸給之若市。得非不畏入畏。念茲在茲。材呈而風舉雲搖。匠斲而雷奔電擊。乃以鑿甘井。樹華亭。濟往來之疲羸也。建法堂。延講座。度遠近之苦惱也。或飾鑄容圖像。恭敬者利益而不窮也。或開精舍香廚。依止者擔荷而無闕也。至於有一日必葺。無四體不勤以勵。乃至精堅乎密行。而隆其業者也。噫。累功歲久。報力時虧。念光陰之不停。嗟羸老之將至。宜退知爲之事。好修課誦之因。乃謂門人道廣曰。吾以撥土匡持。踏荒成辦。然稍增於締構。奈夙備於規模。營西位之浴堂。已憑他化。勑中央之祕殿。未遇當仁。今汝空祠衆中。玄識高上。雖勤修慧炬。諒堪稱舉。而播植福田。得未周圓。度人宜體於三輪。證果俾昇於二梵。詎勞謙於後進。當善繼

於前修。廣法師諦聽斯言。恭承彼事。應當根之善。立匪石之心。行不逸遊。舉步而惟思。師訓。談無戲論。出言而卽報佛恩。曾啟處以何安。念克終而無怠。復慮防於傳法。議須假於兼人。幸會頭陀僧義弘。雅好遊方。巡禮將周於四國。洞諳化道。致齋頻會於萬僧。見善則遷。與物無競。因率維那琅琊王文襲等數十人。異口同音而請。信心不逆而來。共結良緣。將崇勝概。繇是勞筋苦節。有廣上人之率羣材。貫骨穿肌。有弘長老之集多衆。疊水浮陸行之跡。專家至戶到之心。或採異於曹吳。或訪奇於般爾。度功量費。價何啻於萬緡。糾邑隨緣。數須滿於千室。鄉曲斯聽。人誰不從。獨有檀那潛徵翠琰。所欲令聞不朽。咸可紀於石銘。惟希淨辦既堅。共勿輕於金諾。此所謂千人之邑耶。悉願時資潤屋。日廣精藍。愈固虔誠。卽趨良會。故始歲則可以霜揮斤斧。煙迸鉤繩。爨拱疊施。芬撩複結。能推剗厠五間之藻。棟虹梁巧。極雕鏤八架之文。楹繡桷。巍巍乎。非衆心廻向。孰規輪奐之有如此者。及再期。則可以鱗比鴛瓦。雲蟲花磚。粉布圻塲。霞舒丹臚。奇標造立。三門之滿月睂容。妙盡鋪題。四壁之芳蓮瑞相。郁郁乎。非衆心合應。孰奉莊嚴之

有如此者。次於南則殊興峻字。正闢通門。度高低掩映之差。示出入誠嚴之限。屹然左
右對護法之金神。肅爾縱橫。扁安禪之寶地。然謂瞻思罕狀。報應難名。蓋非一行所致。
是期三年有成。窗軒疏不夜之明。周阿流耀。壇座簇長春之色。內奧含英。至哉其基構。
備也。既如彼。其功德圓也。又若此。爰處一方乾位。以爲千古日宮。不惟資閭里之安康。
抑亦占郊畿之宏壯。確乎不拔。上侔化出於摩尼。粲然可觀。下擬葺成於那爛。能事云
畢。素願酬終。可以開示衆迷。可以滅除多罪。莫不惟道是仗。求福不回。有奉香花。有賫
繒蓋。具八關而敬禮。漸悟超凡。崇六事以恭參。潛期入聖。或農商侶。至觀之者。生善而
歸。或漁獵人來。瞻之者。斷惡而去。既而香刹初就。道場永開。律儀居而白玉無瑕。戒行
止而青松有操。閻浮業廣。咸歸精進之門。兜率觀成。悉有開生之路。適謀論撰。可叙因
緣。庶記錄以具存。用刊修而克永。捧柔翰而爰狀其事。趨敝居而屢記其詞。然璋罷典
泥書。早疏硯席。連鍾風樹。久不文言。念於監督之間。最是歸依之所。既難推讓。惟謝精
研。但資立意爲宗。聊以直書其事。而銘曰。

佛興中印。教遂東流。空門開奧。慧炬燭幽。粵有真性。夙著徽猷。布金
因請。振錫爰投。慈悲恤苦。化度思柔。招提獨力。基構數秋。羸老將至。
勝槩難周。門徒下命。軌躅前修。兼人幸會。合志勤求。千室爲邑。百
種何憂。精藍同奉。潤屋咸抽。瓌材呈巧。寶殿延休。閭浮利濟。覩史優
遊。此可歸仗。餘無比儔。

時太平五年三月三日丁時。拓本。

右文繆氏著於文存五。凡誤十餘字。

民國寶坻縣志一八藝文下亦著錄。繆誤者往往不誤。知非依繆文也。然勘以拓本。誤者亦十餘字。輯錄之
事。亦非易易。誌之以資警惕。

宋匡世墓誌

太平六年

王景運

夫千里駿馬。綽有奇蹤。市不貴則跼影於廐下。十朋寶龜。鬱爲神用。卜不襲則□尾於
泥中。長鳴徒號於騏驎。至異尙羣於魚鼈。物既有矣。人豈不然。粵若我故廣平提轄府

君志欲展而時未至。年方盛而命已終之謂歟。府君諱匡世。字成績。則故榆州刺史太傅之子。今長慶軍節度使太尉之弟。前宜州弘政縣令員外之兄。其宗祖詒謀。世家迭盛。先誌具載。今不復道。府君性本恬和。行惟端謹。耆學則融玄讓奧。屬詞則舒向稱奇。奉親族以孝聞。與朋友以信著。慕吉人而爲善。善不可嘉。體君子以好恭。恭而有禮。靜圖欺於暗室。動靡託於權門。殊非觀國之賓。實曰保家之主。統和十六年。故樞密使魏王。聞其器業。降以恩榮。起家署爲都孔目官。洎專呈對。尤見幹能。謂左右而任得其人。顧出入而可使爲□。特奏授將仕郎北安州興化縣令。一同布政。疲民受賜於三年。九市開躔。賢相選才於百里。秩滿。授大定府都市令。日中播美。帝里傳聲。果達宸聽。擢居要職。未幾授北面都孔目官。仍加階級。超試官資。扈隨漸列於近司。敷奏咸推於幹局。俄屬今主上堯階受冊。舜曆改元。攝毛詩博士。押鹵簿道駕。禮畢。會中宮之受弟。開外館以親迎。戶民旣益於賦租。錢穀復資於主轄。改授晉國公主中京提轄使。頗霑厚賜。尙帶前銜。衣錦而歸。方動吳人之慶。逝川不已。遽傷曾聖之懷。無何。太平五年五月十

八日遭疾。啟手足於提轄公署之正寢。春秋四十有八。權厝於京府義井院精舍。以太平六年三月七日。歸窆於榆州南和鄉餘慶里鹿鳴山先塋之左。舉二夫人。祔焉。禮也。府君前娶吳氏。建雄軍節度使渥之女。後娶李氏。今夫人馬氏。前東京轉運使澤之女。柔嘉叶。貞順成風。奄違偕老之期。恆抱未亡之恨。二男。孟曰福。先奴。仲曰福。聖奴。丹穴鳳鷄。羽儀猶留。洼泉驥子。骨力本奇。伉俪成人。俱爲令器。二女。長適進士王景錫。次許適劉可升。待年而未行。而皆處閨闈。以稟姆儀。事舅姑。而遵婦道。鍾慈愛。寧踰痛傷。府君初以哀送之日。冠蓋傾都。緇黃塞路。踵拜於馬。市閭巷爲之不歌。非夫平生善行。何感人之如是。加以慎靜寡言。臨事能斷。友於兄弟。信重佛僧。疏財賙物。而若閑。憮貧弱。而以惠。虞世南之五絕。筆翰尤精。劉道民之百。書。妙。然而名不逮器。用匪稱材。樂天知命。以是圖。素全真。而無問。追。達者。不尤人。所恨二男成童。空留餘訓。一女在室。靡遂送。嗚呼哀哉。渭陽。同氣之情。舉飭飾終之禮。同訪遺美。思刊貞珉。以景運西掖司旨。早曾弄翰。南曹應宿。近又爲。修泉壤之文。用備陵谷。

之變。矧叨外戚。寂拾執芳。獻承嘉命。以不遑。直書而無。謹爲銘曰。
世於靈長。時由陰鷲。載誕英奇。咸推貞吉。王府薦名。君門委質。擢近駕
行。輟隨鳳蹕。晝錦方衣。夜舟遽。兒女哀號。兄弟黯鬱。月遲遲兮春秋
。靈輻發兮適牛眠。啟厚穹兮歸故里。耐先塋兮閉新阡。爰勒名於翠琰。
庶万祀而千年。拓本。

聖宗皇帝哀冊

張儉

維太平十一年。歲次辛未。六月丁丑朔三日己卯。睿文英武宗道至德崇仁廣孝功成
治定啓元昭聖神贊天輔皇帝。崩于大福河之行宮。以其月八日甲申。發赴慶州。八月
丙子朔二十七日壬寅。殯于攢塗殿之西階。有司定議上尊諡曰文武大孝宣皇帝。廟
號聖宗。卽以冬十一月甲戌朔二十一日甲午。遷座于永慶陵。禮也。古樹號風。寒山帶
雪。會同軌於萬方。啓攢塗於七月。縞仗俄排。祖庭斯設。凌晨將御於龍輶。遠日欲辭於
鳳闕。哀子嗣皇帝臣宗眞。孺慕絕漿。哀摧泣血。爰命召於輔臣。俾祖述於鴻烈。其辭曰。

肇分覆載。建立皇王。德惟善政。邦乃其昌。遠則有虞大舜。近則唐室文皇。既比崇於功業。故可得而榆揚。先皇帝位。纘六朝君臨四紀。乃聖乃神。盡善盡美。自推戴以居尊。每勵精而求理。昔也朝元聽政。長樂承顏。行孝治于天下。布惠化於人間。舉直錯枉。求賢審官。詔搜巖穴。庭列鴛鸞。視兆民而如子。敷五教以在寬。以欲從人。盛暑不張於傘蓋。去奢從儉。常朝不服於羅紈。乙夜觀書。披衣待旦。博採摭於典謨。恆憂勤於聽斷。寶穀務農。從繩納諫。惠養鰥寡。欽恤刑名。稟道毓德。惡煞好生。洽前代無爲而治。見時政不肅而成。四民殷阜。三教興行。開拓疆場。廓靜寰瀛。東振兵威。辰卜以之納款。西被聲教。瓜沙繇是貢珍。夏國之羌渾。述職遐荒之烏舍來賓。惟彼中土。曩歲渝盟。自汴宋而親驅馳豕。取并汾而來犯京城。絕信弃義。黷武窮兵。蓋先朝之積忿。須再駕以徂征。七德制勝。千里橫行。戈戟霜攢而蔽野。鼓鼙雷動於連營。逢大陣而皆尅。攻邊壘以旋平。凋瘵戶民。盡離居而失業。傷殘將卒。竟閑辟以偷生。遂仗黃鉞。直棫洪河。會若林之銳旅。揮却日之瑠戈。我欲濟以焚舟。彼方危如累卵。乃命使軺。疊伸誠款。懇求繼好。乞効刑

牲貢奉金帛。助瞻甲兵。尊聖善而庶稱兒姪。敦友愛而願作弟兄。保始終之悠久。著信誓於丹青。因迴天睠。俯順物情。念茲懾服。爰議凱旋。行與國之大義。解諸夏之倒懸。下詔而歡聲動地。斑師而和氣盈川。暫勞吊伐。永息烽煙。自兩朝修聘。已三十餘年。取威定霸。燁後輝前。至若天錫勇智。神贊聖聰。無幽不燭。有感必通。化民成俗。比屋可封。祝史正辭。備禮而交極天地。奉先思孝。謁陵而追冊祖宗。欲固丕基。恭行茂典。繼正體而立元良。啟承華而開望苑。慶帝祚之昌延。見皇圖之宏遠。方期偃修御極。垂拱臨軒。保遐齡於萬壽。應寶運于千年。照臨如日。覆燾如天。揚周王歸馬之風。正安下土。促軒后乘龍之馭。遽歎上僊。嗚呼哀哉。九霄降禍。四海纏哀。積陰晦而告變。經旬浹而不開。厭留塵世。却返瑤臺。嗟貞魂而何往。隨逝水以無迴。嗚呼哀哉。虞殯時期。宋朝感義。命六使以臨喪。備百物而來祭。諸侯畢至。羣方咸暨。奠旨酒以如澠。思仁君而流涕。嗚呼哀哉。疊嶂千重。高凌碧空。虔奉遺旨。卜葬玄宮。負龍峒之巨麗。敞神闕以彌崇。洎窀穸之協兆。皆匍匐而送終。嗚呼哀哉。殿幕開兮星已稀。靈駕動兮天欲曙。馬蹄地以悲鳴。人

執紼而號訴。丹旆飜風。金錢買路。百寮哭兮不聞。萬乘泣兮何怙。嗚呼哀哉。入松阡兮駐金輅。藏玉匣兮掩泉門。愁雲忽慘。夕照俄昏。往如慕兮灑雙淚。返如疑兮傷百神。功高今古。道煥典墳。俾形容於聖德。遂聊宣乎斯文。嗚呼哀哉。招本

續一切經音義序

沙門希麟

蓋聞殘純樸而薄道德。仁義漸開。廢結繩而定著龜。文字乃作。仰觀玄象。俯視成形。蒼頡始制於古文。史籀纂成乎大篆。相沿歷世。更變隨時。篆與古文。用之小異。逮周禮保氏掌國子學。以道教之六書。謂像形。指事。會意。形聲。轉注。假借。六者造字之本。雖蟲篆變體。古今異文。離此六書。竝爲謬惑。春秋之末。保氏教廢。秦并海內。丞相李斯。考較籀文。別爲小篆。吏趨省易。變體稍訛。程邈改之。謂之隸本。漢興書學。楊雄作訓。纂八十九章。班固加十三章。羣書用字略備。後漢許慎集古文籀篆諸家之學。出目錄五百四十四篇。就隸爲訓注。作說文解字。時蔡伯喈亦以減學之後。請刊定五經。備體刻石。立於太學之門。謂之石經。仍有呂忱作字林五篇。以補許蔡之漏略。洎有立說文石經文林之

學。至大曆中命孝廉生顏傳經國子司業張參等刊定五經文字正體。復有字統字鏡。

陸氏釋文。張戩考聲韻譜韻英韻集韻略。述作既衆。增損互存。竝乃傍通三史。證據九

經。若斯文而有旨。諸本作言恐音書誤乎。即彼義以無差。音義之興。其來有自。況乎釋尊之教也。四舍

妙典。談有相於權門。八部真宗。顯無爲於實際。真俗雙舉。唐梵兩該。借以聲名句文爲

能詮。表以菩提涅槃爲所證。演從印度。譯布支那。前後翻傳。古今鈔寫。論梵聲則有一

文兩用。誤上去於十二音中。數字同歸。疑體業向。向恐可作於乎。八轉聲。內考畫點。乃祇如棧

以舟揆。舒亂於手木。帳。知悵。丑雜於心中。彳。都佻。直著。彳著人。裸。古裸。胡從衣從示。諧。吐

詔。丑不分。冎。以冎。音壯。側牡。莫罔辨。牛。語另。疾少斫。昧於成哉。無點虧於寫富。如斯之

類。謬誤實繁。若不討詳。漸乖大義。故唐初有沙門玄應者。獨運先覺。天縱生知。明唐梵

異言。識古今奇字。首興厥志。切勢披詳。始於古華嚴經。終於順正理論。撰成經音義二

十五卷。次有沙門慧苑。撰新華嚴音義二卷。復有沙門雲公。撰涅槃音義二卷。復有大

慈恩寺基法師。撰法華音訓一卷。或即未周三藏。或即偏局一經。尋檢闕如。編錄不次。

通 文 派
至唐建中末。有沙門慧琳。內精密教。入於總持之門。外究墨流。研乎文字之粹。印度聲明之妙。支那音韻之玄。既餅受於先師。亦泉瀉於後學。棲心二十載。披讀一切經。撰成音義總一百卷。依開元釋教錄。始從大般若。終於護命法。所音衆經。論及拾遺律傳等。從大乘理趣六波羅密多經。盡讀開元釋教錄。總二百六十六卷。二十五帙。前音未載。今續者是也。伏以鈔主無礙大師。天生睿智。神授英聰。總講羣經。徧糝章鈔。傳燈在念。利物爲心。見音義以未全。慮檢文而有闕。因貽華翰。見命菲才。遣對曦光。輒揚螢燭。然或有解字廣略。釋義淺深。唐梵對翻。古今同異。雖依憑據。更俟來英。冀再披詳。庶無惑

爾。
日本刊本。

請釋降軍奏

統和六年

馬得臣

諭降宋軍恐終不爲用請並放還

遼史聖宗紀

孫允中石棺題銘

開泰七年

承奉郎守貴德州觀察判官試大理司直賜緋魚袋孫允中

開泰七年歲次戊午

澄贊上人塔記

開泰九年

沙門慧鑑

詳夫運偶休明人參聖哲隱行大行豈萬古以獨能逆化羣機屬千今之共悉仰惟燃身頭隨澄贊上人者命世乘時隨機控物生而混跡愚智莫分歿而逾神靈感非一至若旃檀積上璨五色之雲容舍利光中爍如蓮之舌相振地乃三迴共駭現身乃數處回驚凡預見聞嘆未曾有粵有在京遼西坊內信士張從信者早奉慈悲狎爲蘭室聞捐身命造以香山躬施毫珠擬充路費師乃得而抃躍良久謂僧瓊素曰若後摩尼殿就慈氏像圓用此珍奇以嚴相好雖茲付囑不沐贈留乃與衆別遂從火化瓊素尋歸

竹戶見在香區驚喜交集。髮毛遍豎。因陳齋會。荷此靈通。遇見張公。得言聖跡。公親蒙瑞應。難喻欣怡。特出玉帛。削成石塔。中安舍利。外鏤惣持。冀却壞以無傷。想佛來而暫湧。所主功德。迺用莊嚴。六種姻親。並益三堅之福。七生父母。咸增六度之因。凡居隨喜之間。盡用解脫之分。時開泰九年四月二十七日。

拓本

按石出北平西香山。蓋鏤字八。文曰。「頭陀遺身」「舍利舌塔」。分在兩隅。中鏤造像花紋。陁羅尼經文。下爲塔記。記後有施主銜名。「建造塔施主張從信。同施劉氏。祖父銀青崇祿大夫檢校國子祭酒兼監察御史武騎尉承祚。祖母馮氏。父銀青崇祿大夫檢校國子祭酒使持節昌州諸軍事昌州刺史兼監察御史武騎尉元□。母龐氏。長男吳越。長生湯藥都監輔翼。次男奴哥。次男栲栳。次男和尚奴。次男善孫。女祭哥。女藥師女。長男新婦周氏。」記前題。「燃身頭陁贊公舍利塔記。右街表白花巖院講經論沙門慧鑑述」。一行。香山靜宜園側。相傳爲「遼王墳」者。民國十六七年間。嘗遊其處。附近無碑誌。度或有珍貴史料蘊藏其中也。安得海宇清平。掘發史蹟而梳理之。

馮從順墓誌銘

井序
太平三年

宋復圭

今案馮氏之先世爲令族周封之後代有鉅賢載彼芳編紀於洪筆祖述德業曾無詭詞故臥錦爲郎者唐應列星腰金爲將者異稱大樹文武流裔善慶可徵者其惟□太師公之謂乎夫公之列祖居於汾公之入官仕於宋載書世德備志先塋公諱從順字德柔本信都人也生稟粹靈長爲奇傑卓爾古賢之操凜然君子之風□兮昭華本是薦廟之用樂稱大護終爲治世之音故宋主擢入內庭遂縻好爵曳綬鸞蹕於兵旅峨冠鶚立於紫闈君上委臨權豪欽憚於統和十七年九月承天皇太后金壇拜將玉帳運籌因興丹浦之師直指黃河之渡宋主以公素負令器□□宸聰爰委重權可屬大事遂與瀛州兵馬都統康保裔同駐軍旅來禦王師十萬兵潰而見擒一千載聖而合契遂卜入燕之計始堅事漢之心今聖上一見風儀有同勳□置之左右副以對敷則守宮闈監帑藏剽繁劇於兩京入則繫行闕從鳴鑾恆扈隨於二聖與顯陵節度使郝德壽楚州節度使王仁贇共列周行並承寵命至如車乘服玩臺館園林及臧獲之

徒皆國家所給。規於名達。孰謂等倫。其歷官自西頭供奉。至頒給副使。頒給武德皇城等使。兩任知內承宣事。中上兩京內省使。延州觀察使。敦睦宮漢兒渤海都部署。歸義軍節度管內觀察處置等使。上京戶部使。階自銀青至金紫。勳自武騎至上柱國。散官自國子祭酒工部尙書至司空太傅太尉。爵自男至開國侯。封至一千戶。實封一百戶。公事主忠勤。在公廉直。事無巨細。威懼搢紳。智力鮮儔。聖明委注。而阜民治國。方推金石之誠。變谷遷陵。難倏松椿之壽。無何於太平三年□月十五日寢疾。薨於上京之公署。享年五十有七。皇情振悼。士□悲酸。咸謂玉苗秀而忽枯。琪樹芳而忍折。初公之染疾也。賜翰林名醫。盡針餌之術。宣掖庭近侍。傳撫諭之辭。公之歸葬也。命上京副留守邢公定發引之儀。中京度支副使李公備幽窆之禮。伎巧之匠。實自京師。賻贈之資。異於常品。於太平三年歲次癸亥十月辛酉朔十三日癸酉甲時。葬於中京東公之別墅。禮也。清河郡夫人張氏。貞柔垂範。婉俶承家。方屬和鳴。遽傷失儷。恆聆晝哭。實謂天窮。有一子知玄。譽擅肯堂。痛嗟陟岵。夙承慈訓。免遺投杼之憂。載念義方。空慟絕漿之泣。

今則靈輻乍挽。玄戶將扃。辱見託以摛詞。敢去華而就簡。青鳥啓兆。指幽隧以長歸。玄琰鐫文。紀佳城而不朽。其銘曰。

河瀆之靈。

川岳之精。

□□奇傑。

匡于聖明。

金石之貞。

珠玉之英。

稟為節操。

取于器名。

□□三□。

□繁兩京。

□□廉慎。

忠亮公清。

方覩經國。

□悲奠楹。

因□□地。

遂啓新塋。

慮綿曠世。

泯絕淑聲。

鐫文貞石。

用紀佳城。

千齡万祀。

永保斯銘。

古文依羅氏滿洲金石志補遺錄。文前有「大契丹國故上京戶部使歸義軍節度管內觀察處置等使金

紫崇祿大夫檢校太尉使持節沙州諸軍事沙州刺史兼御史大夫上柱國信都郡開國侯食邑一千戶食

實封一百戶馮公墓誌銘并序。」蓋篆書「信都郡馮氏墓誌之銘。」

通文淵

通文淵

通文淵

通文淵

通文淵

通文淵

通文淵

通文淵

通文淵

通文淵

通文淵

通文淵

遼文匯卷六

陳述校輯

請示黥面法奏重熙二年

(重熙)元年詔曰犯重罪徒終身者加以捶楚而又黥面是犯一罪而具三刑宜免

黥其職事官及宰相節度使世選之家子孫犯姦罪至徒者未審黥否遼史卅一刑法志

省罷戍役疏重熙四年

耶律唐古

自建可敦城已來西蕃數為邊患每煩遠戍歲月既久國力耗竭不若復守故疆省罷

戍役遼史九九耶律唐古傳

來遠城移高麗興化鎮牒重熙四年

竊念貴國原為附庸先帝每賜優洽積有歲月靡倦梯航昨因伐罪之年致阻來庭之

禮既翦除於凶逆合繼續於貢輸曷越數年不尋舊好累石城而擬遮大路豎木寨而

欲礙奇兵不知蜀國之中別有石牛之徑舉是役也深取誚焉今皇上紹累聖之基坳

統八方之國界南夏帝主永慕義而通歡西土諸王長向風而納款唯獨東溟之域未

賓北極之尊。或激怒於雷霆。何安寧於黎庶。

此據東國通鑑。高麗史六於竊念下有「以當郡最近仁封」有小便宜。須至披達載念「七」字。又黎庶下有「其於違九」自有變通「八」字。

制問徭役不加於舊。征伐亦不常有。年穀既登。帑廩既實。而民重困。豈爲吏者慢爲

民者惰歟。今之徭役何者最重。何者尤苦。何所蠲省。則爲便益補役之法。何可以

復盜賊之害。何可以止

重熙四年

蕭韓家奴

臣伏見比年以來。高麗未賓。阻卜猶強。戰守之備。誠不容已。乃者選富民防邊。自備糧

糗。道路修阻。動淹歲月。比至屯所。費已過半。隻牛單穀。鮮有還者。其無丁之家。倍直傭

僦。人憚其勞。半途亡竄。故戍卒之食。多不能給。求假於人。則十倍其息。至有鬻子割田。

不能償者。或逋役不歸。在軍物故。則復補以少壯。其鴨綠江之東。戍役大率如此。況渤

海女直高麗。合從連衡。不時征討。富者從軍。貧者偵候。加之水旱。菽粟不登。民以日困。

蓋勢使之然也。方今最重之役。無過西戍。如無西戍。雖遇凶年。困弊不至於此。若能徙

西戍稍近。則往來不勞。民無深患。議者謂徙之非便。一則損威名。二則召侵侮。三則棄

耕牧之地。臣謂不然。阻卜諸部。自來有之。曩時北至臚胸河。南至邊境。人多散居。無所

統壹。惟往來抄掠。及太祖西征。至於流沙。阻卜望風悉降。西域諸國皆願入貢。因遷種落內置三部。以益吾國。不營城邑。不置戍兵。阻卜累世不敢爲寇。統和間。皇太妃出師西域。拓土旣遠。降附亦衆。自後一部或叛。鄰部討之。使同力相制。正得馭遠人之道。及城可敦。開境數千里。西北之民。徭役日增。生業日殫。警急旣不能救。叛服亦復不恆。空有廣地之名。而無得地之實。若貪土不已。漸至虛耗。其患有不勝言者。况邊情不可深信。亦不可頓絕。得不爲益。捨不爲損。國家大敵。惟在南方。今雖連和。難保他日。若南方有變。屯戍遼邈。卒難赴援。我進則敵退。我還則敵來。不可不慮也。方今太平已久。正可恩結諸部。釋罪而歸地。內徙戍兵。以增堡障。外明約束。以正疆界。每部各置酋長。歲修職貢。叛則討之。服則撫之。諸部旣安。必不生釁。如是則臣雖不能保其久而無變。知其必不深入侵掠也。或云棄地則損威。殊不知殫費竭財。以貪無用之地。使彼小部抗衡大國。萬一有敗。損威豈淺。或又云沃壤不可遽棄。臣以爲土雖沃。民不能久居。一旦敵來。則不免內徙。豈可指爲吾土而惜之。夫帑廩雖隨部而有。此特周急部民一偏之惠。

不能均濟天下。如欲均濟天下。則當知民困之由。而窒其隙。節盤遊。簡驛傳。薄賦歛。戒奢侈。期以數年。則困者可蘇。貧者可富矣。蓋民者國之本。兵者國之衛。兵不調。則曠軍役。調之則損國本。且諸部皆有補役之法。昔補役始行。居者行者。類皆富實。故累世從戍。易爲更代。近歲邊虞數起。民多匱乏。既不任役事。隨補隨缺。苟無上戶。則中戶當之。曠日彌年。其窮益甚。所以取代爲艱也。非惟補役如此。在邊戍兵亦然。譬如一抔之土。豈能填尋丈之壑。欲爲長久之便。莫如使遠戍疲兵。還於故鄉。薄其徭役。使人人給足。則補役之道可以復故也。臣又聞自昔有國家者。不能無盜。比年以來。羣黎凋弊。利於剽竊。良民往往化爲凶暴。甚者殺人無忌。至有亡命山澤。基亂首禍。所謂民以困窮。皆爲盜賊者。誠如聖慮。今欲芟夷本根。願陛下輕徭省役。使民務農。衣食既足。安習教化。而重犯法。則民趨禮義。刑罰罕用矣。臣聞唐太宗問羣臣治盜之方。皆曰嚴刑峻法。太宗笑曰。寇盜所以滋者。由賦斂無度。民不聊生。今朕內省嗜欲。外罷游幸。使海內安靜。則寇盜自止。由此觀之。寇盜多寡。皆由衣食豐儉。徭役重輕耳。今宜徙可敦城於近地。

與西南副都部署烏古敵烈隗烏古等部聲援相接。罷黑嶺二軍。并開保州。皆隸東京。益東北戍軍。及南京總管兵。增修壁壘。候尉相望。繕完樓櫓。浚治城隍。以爲邊防。此方今之急務也。願陛下裁之。遼史百三本傳。

請追崇四祖爲皇帝疏

重熙十三年

蕭韓家奴

臣聞先世遙輦可汗。注之後。國祚中絕。自夷離堇雅里立阻午。大位始定。然上世俗朴。未有尊稱。臣以爲三皇禮文未備。正與遙輦氏同。後世之君。以禮樂治天下。而崇本追遠之義興焉。近者唐高祖創立先廟。尊四世爲帝。昔我太祖代遙輦卽位。乃製文字。修禮法。建天皇帝名號。制宮室。以示威服。興利除害。混一海內。厥後累聖相承。自夷離堇湖烈以下。大號未加。天皇帝之考。夷離堇的魯。猶以名呼。臣以爲宜依唐典。追崇四祖爲皇帝。則陛下弘業有光。墜典復舉矣。遼史卷百三本傳。

張哥墓誌

重熙四年

南瞻部州大契丹國奚王府樅欖母呵長管具劣男太保張哥墓至一竭。夫聞祖代高

顯此輩名傳。宋爲佐國以白。今作擎天之柱。遺流聖跡。後代迆移。標古記於千秋。顯碑文於萬歲。此墓東接徐州景。西連羣峯山。北面伽里鎮。南有玉石岩。上面連霄漢。下徹定生關。八方皆統領。四海盡成班。青陽郡奚耶律太保張哥男毫次男望哥。孫子韓九七哥。王八。王九。十一。重孫豆咩哩。

重熙四年十一月乙巳朔己酉日閏

拓本。

韓楫墓誌銘

重熙六年

李萬

公諱楫。字正聲。其先曲沃桓叔之苗胄也。建功于冀。食采于韓。惟彼元昆。以邑命氏。若乃劃分三晉。森峙六雄。燼餘方絕於祖龍。基構特新於天漢。成旣賜胙。卜宅潁川。信亦分茅。繁都代土。其後徙居昌黎。因爲其郡人。則著姓之籍。不其盛歟。我聖元皇。鳳翔松漠。虎視薊丘。獲桑野之媵臣。建柳城之冢社。威宣十乘。化被一隅。推忠契運。宣力功臣。彰武軍節度東南路處置使。開府儀同三司。守尙書左僕射兼中書令諱知古。曾祖父也。魏之畢萬。早稱必復。魯之僖伯。終謂有後。紹興蕃衍。嚮用崇高。協謀守正。翊衛忠勇。

功臣燕京統軍使天雄軍節度使開府儀同三司贈守太師兼政事令行魏州大都督府長史上柱國鄴王諱匡美祖父也。抱船驥之宏用。膺帶礪之宗盟。高揭將壇。始縻王爵。先娶秦國太夫人。生二男一女。長子列考。次子驪。左監門衛將軍。早亡。女適劉宋州侍中男而殂。又以壽昌恭順昭簡皇帝失愛之嬪妻之。封鄴王妃。卽聖元神睿真列皇后之猶女也。生二男一女。男幼。三女適張侍中孫。左監門衛大將軍知檀州刺史事崇一。今夫人之父也。後娶魏國夫人鄴妃之姪。皆出于蕭氏矣。西南路招討晉昌軍節度使行京兆尹尙父秦王諱匡嗣。伯祖父也。樹鼉足之英標。傳馬眉之茂慶。列五鯖之鼎。峨七蟬之寃。生我大丞相守大傅晉國王諡文忠諱德讓。賜名隆運。聯其御諱也。賜姓耶律氏。屬籍于宗室。特加殊禮。不顯大勳。與夫劍履上殿。几杖入朝者。不侔矣。從世父也。四十萬兵馬都總管兼侍中南大王。贈政事令陳王諱遂貞。賜名直心。真柱石之雄。享鈞軸之重。爲周方邵。作舜臯夔。再從兄也。譜係于國姓。其餘戚屬族人。拜使相者七。任宣猷者九。持節旄。綰符印。宿衛交戟。入侍納陛者。實倍百人。此不具書。略也。烈考諱

瑜。內客省使檢校太傅贈太尉。出征冀部。適次遂城。躬犯干戈。親冒矢石。會前茅之崩沮。乘右校之退衄。奮不顧身。卒于由命。先娶蘭陵蕭氏。封本郡夫人。生九子。所存者公最幼也。惟公稟弓嵩之貴精。蘊斗極之武幹。體貌魁碩。宇量淵弘。襲世祿以不驕。修天爵以彌篤。尤工騎射。洞曉韜鈴。甫及策名。克從筮仕。初授西頭供奉官。遷御院通進。朔方分閫。河右稱藩。九重曲降於璽書。一介載馳於冊命。以公持節封李繼遷爲夏國王。泊星轅解鞅。駟鞞迴鑣。入秦乾元。頗願兌悅。改頒給庫使。統和二十三年。運契戢囊。時丁歸放。慕義廣開於栗陸。含靈雅喝於葛天。趙宋氏致幣結歡。歆牲修睦。將叶皇華之詠。簡求專對之才。以公充賀正之副。達于汴都。三百萬之寵錫也。廻授引進使。轉客省使。旋以辰卜弒君。穢駒作梗。万乘恭行於討擊。六師畢集於征伐。考詩書而謀帥。無右郟穀。委車騎而命將。率先竇憲。卽授公左第一驍騎部署。軍還。加左監門衛大將軍。知歸化州軍州事。密邇樓煩。切鄰白鬻。俗多擴佞。民苦侵漁。自公下車。咸服仁化。秩滿。除章愍宮都部署。掌縮版圖。撫綏生齒。陪四朝之羽衛。覆數郡之刑名。出充燕京留守衛

內馬步軍都指揮使。改易州兵馬都監。繕甲治兵。遏強撫弱。主持蘭騎。清肅柳營。轉弘義宮都部署。拜侍衛親軍步軍指揮使。利州觀察使。領禁旅也。夫物忌大盛。先哲炯誠。事久則變。前代良箴。忽生疊繯於私門。欵被纍囚於制獄。虞書文命。寧殺不辜。孔記冶長。信知昨罪。遂以笞刑斷之。仍不削奪在身官告。念勳舊也。明年奉使沙州。冊主帥曹恭順爲燉煌王。路岐萬里。砂磧百程。地乏長河。野無豐草。過可敦之界。深入達妬。囊告空。糗糧不繼。詔賜食羊三百口。援兵百人。都護行李。直度大荒。指日望星。櫛風沐雨。郵亭杳絕。蕭條但聽於鷄鳴。關塞莫分。塊漭寧知於狼望。舊疹忽作。以馬爲輿。適及岩泉。立傳王命。在腹之瘡。倏然破墮。公亦仆地。至夕乃甦。其疾頓愈。議者謂公忠勞所感。神之祐也。東歸之次。踐歷擾攘。僮僕宵征。曾無致寇。驂駢夙駕。殊不畏危。軼絕漠之阻。脩越窮方之遼。負肅將土貢。入奉宸嚴。孝宣皇帝敦諭久之。寵賚踰厚。賜白金二百兩。毳布八十段。帛百疋。尋授乾顯宜錦建霸白川七州都巡檢。再任章愍宮都部署。依前左監門衛大將軍。太平五年。雞種貢材。鴨流通棧。師停下瀨。兵□渡遼。皇穹鞠育。大弓

列王贄陳於楛矢。乃命使高麗國賀王詢之誕辰也。其年冬授□州觀察使。知易州軍州事。兼沿邊安撫屯田使。充兵馬鈐轄。其地也。背□上谷。目睨中山。子儁不託於攻蒲。羊祐無猜於嘗藥。馬牛不及。雞犬相聞。未幾授長寧軍節度。白川州管內觀察處置。八年秋。逆賊大延琳竊據襄平。盜屯肅慎。鯨鯢橫海。怒張吞小之喉。鼯豕憑江。暴啓食中之吻。將以舉泰山而壓卵。登高屋以建瓴。本初圍守於伯珪之懿。格張於仲達。假公押領。控鶴義勇護聖虎翼四軍。充攻城副部署。賊平。就拜永清軍節度。易博冀等州觀察處置。管押義勇軍。駐泊于遼東。詔賜銀盆百兩。細衣一副。移鎮瀋州。然而虎夷効逆。鶴野罹災。俘刼并閩。剽掠烽戍。來如蚊蝻。肆毒噬人。去若虺蜴。蓄姦伏莽。公乃指畫方略。奮發雄圖。截玄兔之要衝。貫紫蒙之扼束。築壘一十七所。宿兵捍賊。賊不西寇。公之力也。未遑受代。復南使于宋。亦三百萬之賜也。張旌卽次。飛蓋出疆。依然郊勞之儀。宛若館穀之數。荐盟君好。綽布賓榮。使廻。遷宣徽北院使。歸義軍節度。沙州管內觀察處置。在任二歲。進位南院使。加檢校太尉。重熙五年。在燕京也。備清蹕之來臨。徯翠華之降。

幸葺修宮掖。仰期飲鎬。崇飾祠寺。企望問峒。舉揚百司。支遣萬計。勤恤夙夜。犯凌寒暑。遇疾潛驚於壞寢。求醫不遂於針育。禋嗣觀書。善分科斗。郭文在疾。難辨金雌。以九月二十五日。楫告薨于宣徽衙之正室。天子緬懷盡瘁。軫悼殲良。賻贈之外。賜錢五十萬。俾襄其事。非常例也。詔贈楫官。旌德表功。恩榮至矣。明年二月十七日。葬公于柳城白盧山之朝陽。以先夫人蕭氏合祔之。從祖考之宅兆。禮也。惟公遠使鳴沙。必死之地。羈栖絕徼。流落遐溲。涉險獲夷。履凶無咎。考終之日。遙鎮其州。信其異也。凡三娶。先夫人生二女。長早亡。次適左□軍將軍蕭乞得。繼室蕭氏生三女。一適護衛將軍蕭朱。一適左班殿直張玫。大同軍節度特進檢校太師筠之孫也。一適通事班祗候康德潤。早亡。皆能事舅姑。益親娣姒。芳如蘭蕙。瑩若瓊瑤。今夫人張氏。左監門衛大將軍知檀州軍州事崇一之女。（承太皇太后賜也）虔弘內則。靡人外言。貞莊雅諷。於螽蟊。令淑絜羞於蘋藻。生三男。孟曰齊家奴。癯疾居家。受浮屠之法。先公五稔而逝。仲曰貽孫。左丞邴閣門祗候。季曰貽訓。冠而未仕。聞教導於鯉庭。紹雄豪於馬坪。奄鍾柴毀。益纏孺慕。

哀罔極於旻天。勉尙凶於遠日。懼遷岸谷。請紀音塵。青山白雲。温博已談於傳。奔蔓草
拱木。麗道委於江淹。聊探世家。粗鐫壽域。其銘曰。

宗唐叔兮系頽當。徙棘城兮遇聖皇。四王錫羨兮。七相耿光。節旄交影兮。

璽綬成行。我公降跡兮。恢礫藩昌。奚奄遘於斯疾兮。固難謁於彼蒼。

裊銘旌於旅館兮。瘞誌石於玄堂。築馬鬣之長隧兮。鑿龍耳之高崗。露泣

青草兮。風號白揚。隴泉悲咽兮。山雲慘傷。宅幽竟而享明祀。終古無疆。

重熙六年二月 日 鄉貢進士商隱書拓本。

謀取三關議

重熙六年

蕭惠

兩國疆弱。聖慮所悉。宋人西征有年。師老民疲。陛下親率六軍臨之。其勝必矣。遼史九三本

傳。

請不納元昊降疏

重熙十三年

蕭惠

元昊忘奕世恩。萌姦計。車駕親臨。不盡歸所掠。天誘其衷。使彼來迎。天與不圖。後悔何

及遼史九三本傳

謀取三關議

蕭孝穆

我先朝與宋和好。無罪伐之。其曲在我。况勝敗未可逆料。願陛下熟察。遼史九三蕭惠傳。

張思忠墓誌重熙七年

柴德基

夫以人之生世也。吸天之粹。鍾父母之靈。有以貴賤立其身。有以長短受其命。身受其貴者。或文相而武將。身受其賤者。或男臧而女獲。命享其長者。或期頤之歲。未為終天。命折其短者。或齠齡亡年。忽隨逝水。自昔迄今。無均一者。豈虛也哉。其有稟性孤奇。為人絕出。秩峻侯伯。力勤公家。歲辛誤保於悠長。神魄遽聞於天闕者。悲惜我故清河公太保耶。公諱思忠。其先自軒轅氏。因為氏焉。□即故朔州節度使上將軍諱諫之嫡孫。父諱正嵩之第五子也。芳標外秀。淳粹中含。自童丱之年。慕儒黌之業。衆推博雅。獨藹英聰。用□揀詔於彤庭。誤捷登於上第。始授東西頭供奉官。權閤門通事舍人。後任職諸司力者。勤劬旋□於勳績。思流渙汗。幸被於獎酬。超授黃龍府節度副使。又以光膺

主紉遠奉使華。詔御始還。滂澤載被。疊□□黔義等州刺史。分竹符而炫貴。駕熊軾以飛榮。公才既最。仕路寔昇。改授濟州刺史。知上京南中作使。將任赴於往欽。忽災纏於毀瘠。無何於重熙七年十二月十四日。薨於崇義軍南雙山之私第。春秋六十有四。以明年二月壬戌朔十七日。陪葬於亡父之營次。禮也。公先娶故隴西李太尉之女。所生二男一女。長男可舉。上京省倉兼車子院都監。次曰可從。王府文學。女一。適進士郝正辭。其隴西氏。誤獲偕老。早痛云亡。後繼娶故大將軍太原王延玉之女。所生五男一女。一曰可奐。乾州內庫都監。次曰可巽。在閑。次曰吳哥。出家。次曰公獻。內供奉班祇候。次曰公謹。習進士業。女一。將適上京前大盈庫副使王息。男婦四人。一故彭城節院劉守訓女。一前錦州倉庫都監于延泰女。一殿直李壽廣女。一金州防禦使太守節女。孫兒四。孫女三。並幼。今太原氏夫人。貞含玉質。馨藹蘭儀。自成授室之歡。淑有睦親之孝。本望命夫命婦。永諧齊體之榮。何期哀子哀孫。皆失藐孤之望。雖遊魂不在。杳歸玄壤之間。而茂實欲旌。宜刊貞珉之上。德基名標桂籍。職倅芸香。難違致請之言。強軋若抽。

取法鷄園。歸向之。場廊樓遊之勝地。則有石。以。其。巨
石而。之。隅接高陽之境。之。介距馬之濱。南則。梁。之敵疆北
則。之。邑。泉。中。華。刹無。於青龍
近。清幽寺有如於白馬。攸往衆聖焉依。形。之未具當寺。
有。比丘。根。植惠炬深融。身居緇素之先。位在伽藍之長。欲僦功於大
殿。遂底。於宏基。贊道者六。之倡化緣自廣。者十善之。徼福寔繁。
發誠云衆。越縣俗於百里。萃邑社於千人。女或績以。蚕。以承。之。男若商而若
賈。奉以在橐之資。工。斲以獻能。農輟耕而捨力。妙因天假。信施日增。於是灼靈蔡以
涓。燕名檀而舉役。斧斤電。畚築星陳。土必自擇。淨而。材必自擢。良而丹刻。形
管霞瓦。紺。煙鋪。或五彩以飛文。肇嚴種相。或百寶而合色。飾眸容。始自景福壬申
。重熙辛巳。告畢。饒益。深。不惟祐我聖朝。抑亦隆茲像運。然願一方。最瞻
禮者。罪不墜於三塗。千室慶餘。興。茸者。福。登於二梵。其有叨名。誠。御

簾忽諾微辭。彌慚寡述。構崇遐仰。既殊童子之戲沙。刊勒永存。□等仙人之拂石。謹秉筆長。□直書銘曰。瑞分竺國。化流震域。像季傳法。我佛之力。跡託燕畿。名達宋□。因圓植果。此僧之績。花木殊絕。泉石異奇。□聖攸賞。彼寺之規。柱礎貞固。□□後世。億劫無壞。斯殿之基。時重熙十一年歲次壬午辛巳四月八日晨時建。拓本

羅漢院入大靈塔記

重熙十三年

張輪翼

金枝聯七葉之榮。寶位禪千齡之運。謹按內典云。初地修一無數劫。受華報果。爲自在

□今我皇帝是也。恆懷宵旰。肯構靈祠。系玉毫尊。恢八萬四千定慧之力。繼金輪職威塵。數萬類束手而降。威加海表。旣如彼。恢張佛刹。又若此。文武賢輔。各代天行化。運掌上之奇兵。輔國濟民。利域中之邦本。夫如是。黔首知力。白足荷恩。契經以塵合沙界。堪爲如來法器也。地有勝境。賢聖棲神。卽羅漢院者矣。控鼻俗一字之鎮。枕葡壤兩川之心。所沃土宜禾。居民則逸壯千里。侯甸之風觀。萬仞崆峒之氣。以謂招提舊制。像運仍全。三十七品教。□流風百五十成。紹佛跡。沙門首座。誦法華經。紹凝行超俗。表道冠權。

門斬結使之魔軍。斷煩惱之釣餌。良器。現神受能人。塔主法清者哉。定心頓悟。識性宿習於。院。坤旺之方。涌宰堵凌雲之勢。長遠而久。受勤苦。四祀能成。暫時而一託良能。九層俄就。揆。建事白衆議曰。佛法付與國。大臣。今則特仗當仁。遽成勝槩。爰合。主爲都維那。左班殿直。銀青崇祿大夫。檢校太子賓客兼殿中侍御史驍騎尉商麴。鐵煙火都監齊爲戴恩。惇獨義。鄉閭。恆包報國之衷。若兢履薄。深悟忘荃之旨。如救頭燃。歎戲沙成佛之因。化慳火生蓮之果。一遇班輪。磨砌神工。配鬼迹相參。宏壯孤標。嚴像與崇陵鬥蠱。心地觀經云。釋迦在祇園演法之初。此八大寶塔。一切相貌。現金色。光明中。佛爲母於切利天說經。已化三道寶階。下闍浮時。今來修崇。過去瑞相。法清與天水。赴文遂於開泰大師處。請到遺留佛舍利數十尊。用七寶石函。葬塔基下。乃與糾首陳壽。邑證。澄等。教化有緣。市肆村落。各資潤己。同辦利他。十尋之峻。躅方成。裝嚴賢劫。三級之危。簷迴起。遙擬帝幢。菱花鑑善惡於四隅。寶蓋淡炎涼於九有。文楣接漢。栴柱倚天。風簷。雜千變鈴聲。帝妃一唱。雲盤落九霄。甘露天雨。四花龍龜會塵沙佛。

加持仙路湊三界天作禮。金珠巨晴朗之日。洞瞰乾坤。寶鈴喧靜夜之風。崢嶸宇宙。由旬半甲。利益頗同。大事既完。邈遐波委。禮此塔者。無冤不解。有恨皆銷。聾者善聽而歸。瞽者善眎而去。具貪愛者。頓生厭離。被無明者。速得解脫。塵沾出地獄之門。影覆入菩提之室。薊門太師。六條布政。知稼穡之艱難。五馬爭鞭。訣孤虛於向背。上佐員外。劍舞松窗。定有衝星之氣。鋒揮文陣。用□奪桂之名。如是則語其功德。皆生梵輔之宮。睹彼基垆。並入摩尼之殿。勒文刊石。用始顯終。太原□輪翼以□□朝省。若作酒醴。乃奉命監造。麴蘖屆此。遇塔新建。歲事經圓。維那邑司塔主等書請撰錄。難拒衆情。不得已而但述之爾。輪翼春秋八十有一紀。萬法而無□末□□□□聊志歲月□□□□重熙十三年。歲次甲申。四月壬辰朔八日丙時建。拓本。

釋迦定光二佛舍利塔記

重熙十五年

僧慧材

竊聞三千化寶。百億雄尊。復往之迹。以無垠。方便之門。而莫限。應願榮辭於天界。權儀降誕於王宮。孜孜而示倦龍庭。默默而優游鳳苑。顰眉□返。嚴駕驂迴。老病死苦。以因

觀法。報化身而是慕。奢華涕厭。午夜逾城。苦行石堅。六年修道。浴泥恆河。已赴菩提樹。來斷障降魔。既登於佛果。垂慈應請。乃轉於法輪。始從鹿苑。終至鶴林。時經四十九年。教演一十二分。所應度者。皆以隨宜方便度訖。其未度者。亦已與作得度因緣。顧此土之緣周。念地方之化益。於是就力士生地之內。詣堅固樹林之間。足南首北。背東面西。以足枕肱。現四儀之究竟。收心住定。示八像之窮終。金口緘以絕言。玉毫掩而□綵。四生乏主。悲摧凡聖之心。三界無依。哀變乾坤之色。堅勞之壽。既已云亡。金剛之身。故亦是壞。闍維訖於寶樹。舍利分以金罍。爰興峯堵波。以利薩達縛。育王西出。□□八萬四千。隨帝東臨。並造三十六所。於凝固之道體。雖□然不然。而轉變之化身。亦法爾宵爾。是以□□之刹土咸建多□之塔。婆垂青蔭而廣。大施慧燈。以遐延凡。以興一供之因。定尅千生之果。粵有□□□重和十五年。陶冶甄鑄鐵塔一所。立十三簷。亘二百尺。往往夜晦。屢放紅光。福常住以豐肥。祐上下而和睦。邇後展討殿宇。津置堂廊。每嗟佛壠。閃於南隩。大眾僉議。欲移中央。卽有惠行大德。潛資義倉。提點雲敷。其捨淨資一千

緝其諸釋侶量力施錢共四百千用充功費尋擇良辰亦得吉卦圻至千簷獲定光佛舍利六百餘顆至地宮內獲釋迦佛舍利一千三百餘顆再選定四月八日午時依舊如法安葬竊以慧材狼山冗學龍苑庸夫赧扣瑣材聊編盛事伏願三乘五性承茲乃共捨臧軒七趣十生仗此乃同登懽駕更願陵遷谷變懿範不凋地久天長徽猷永固云爾

承德府志五十。

王氏文萃按「鐵舍利塔在朝陽縣南遼時建靈感寺重熙中鑄鐵塔以藏佛舍利後以定光佛舍利六百

粒釋迦佛舍利一千三百餘粒改藏塔下塔宮今塔已無存土人嘗於其處掘土丈餘見地宮一所高八尺

廣六尺五寸八面相等周遭嵌碑文中有一碑字大徑二寸餘云「惟大契丹國興中府重熙十五年丙戌

歲十一月丁丑朔十六日壬辰起手鑄次年四月乙巳朔八日壬子午時葬釋迦佛舍利記」末載辦塔主

僧則覺華巒海雲寺業律沙門志全也又有二片爲天慶二年講經律論師慧林所撰釋迦定光二佛的身

舍利塔記文稱重和十五年鑄鐵塔一所考遼諸帝無紀元重和者書寫之譌以重熙爲重和耳見熱河志

覺華巒在今錦州府西南界屬遼之來州元之瑞州爲今建昌縣東南境考方輿紀要稱覺華巒在甯遠衛

東南二十里，上有海雲龍宮二寺。許亢宗奉使行程錄亦曰第十八程自來州八十里至海雲寺，去海半里許，後有溫泉池，望海中有一大島，樓殿翠塔，上有龍宮寺。鑄塔主僧志全，蓋由海雲而徙居靈感者，故記末特誌其初地也。慧材熱河志作慧林，恐誤。

按錢大昕遼史攷異：「天祚名延禧，乃追改重熙年號爲重和。」非書寫之譌也。

喜雨歌

重熙十五年

何以蘇我上天降雨，誰其撫我楊公爲主。遼史八九楊信傳。

釋迦佛舍利塔銘

重熙十六年

維大契丹國興中府重熙十五年丙戌歲十一月丁丑朔十六日壬辰，起手鑄。次年四月乙巳朔八日壬子午時，葬釋迦佛舍利記。拓本。

和興宗詩二首

重熙

門沙郎思孝

爲愧荒疏不敢吟，不吟恐忤帝王心。本吟出世不吟意，以此來批見過深。

天子天才已善吟，那堪二相更同心。直饒萬國猶難敵，一智甯當三智深。金王寂遼東行部志。

按遼東行部志稱「二相謂杜令公劉侍中也。」檢遼史興宗朝諸臣稱杜令公者當是杜防卷八六本傳「重熙九年夏人侵宋宋遣郭楨來告請與夏和上命防使夏解之如約罷兵各歸侵地拜參知政事韓紹芳劉六符忌之防待以誠十二年紹芳等罷愈見信任」劉六符卽劉侍中也卷八六本傳稱其「與參知政事杜防有隙防以六符嘗受宋賂白其事出爲長寧軍節度使」檢此詩意似在未出六符之前。

天安節題松鶴圖

門海山

千載鶴棲萬歲松霜翎一點碧枝中四時有變此無變願與吾皇聖壽同。

遼東行部志。

按遼史道宗紀「清寧元年十月丁亥有司請以帝生日爲天安節從之」是此天安節卽道宗生日也特未知爲何年。

檢遼東行部志稱自重熙十七年離去海島住持縉雲山云云則此詩之作似在縉雲山時。

拜惕隱戒族人文

重熙二十二年

耶律義先

國家三父房最爲貴族凡天下風化之所自出不孝不義雖小不可。

遼史百官志一。

按卷九〇本傳所載略異似是節錄之文別著如左。

國中三父房皆帝之昆弟不孝不義尤不可爲。

上興宗諫濫賞書

馬保忠

罰當罪賞當功有國之令典也積薪之言汲黯歎之斜封之濫至唐而極國家起自朔北奄有幽燕量才授官人始稱職今臣下參養承平無勳可陟宜且序進之。契丹國志八。

上皇帝書

馬保忠

疆天下者儒道弱天下者吏道今之授官大率吏而不儒崇儒道則鄉黨之行修修德行則冠冕之緒崇自今其有非聖帝明王孔孟聖賢之教者望下明詔痛禁絕之。契丹國志十九。

志十九。

乞弛禁東京毬馬奏

重熙七年

蕭孝忠

東京最爲重鎮無從禽之地若非毬馬何以習武且天子以四海爲家何分彼此宜弛

其禁。遼史八一本傳。

乞併二樞密爲一奏

重熙十年

蕭孝忠

一國二樞密。風俗所以不同。若併爲一。天下幸甚。遼史八一本傳

告宋令招懷西夏重遠十一年

元昊欲歸款南朝而未敢。若南朝以優禮懷來之。彼宜洗心自新。李濂長編。

按長編考異云。紀聞稱「梁適使契丹。契丹之主與言。」又以時間核之。疑或出於蕭偕。卒未定指劉六符

或蕭偕以示疑。

三寶感應要略錄序

釋非濁

蓋三寶感應要略錄者。靈像感應以爲佛寶。尊經感應以爲法寶。菩薩感應以爲僧寶。良是濁世末代目足。斷惡修善規模也。夫信爲道源功德之聚。行爲要錄解脫之基。道達三千勸勵後信。教被百億開示像跡。今略表其肝要。粗敘奇瑞。此緣若墮將來無據。簡以三聚分爲三卷。令其易見矣。

此文據三寶感應要略錄。錄無年月。撰人非濁爲興宗道宗時高僧。歿於清寧九年。姑附錄於此。

三寶感應要略錄偈

釋非濁

已依集錄及口傳。略錄三寶感應錄。

乃至見聞讚毀者。同蒙利益出生死。

釋迦如來末法中。一聞三寶生少信。

三世罪障盡消除。當生必見諸賢衆。

願錄感應諸功德。回施法界諸有情。

令獲勝生增福惠。同證廣大三菩提。

右偈亦錄自三寶成應要錄。